



浙江圖書館



浙江圖書館



浙江圖書館



浙江圖書館



象學卷之八

風占

按風者號令之象也故以納音為主六情刑德等類之要皆氣色為憑其大小驗其災福之輕重其久暫驗其地道之遠近其干支驗其期應之遲速又必考其起于向日時方止于向日時方然後總其類而貫之則知其屬何事無疑矣

凡風之動皆不安之象也若在山川海濱空穴之間風所出處則不可占之以為常式若在宮宅城營之內戰陣之所風勢異常揚砂走石日光昏濁則必占之

凡日色清明風勢和緩從歲月日時德上來或乘旺相而來去地稍高不揚塵沙人心喜悅是為祥風人君德令下施之應

凡凶災之風日色白濁天氣昏寒風聲叫怒飛砂捲塵乘刑而至當詳五音定八方觀其起止占之假令其風不動枝葉常從德合上來有喜微小常從刑衝上來不動枝葉有災亦小鳴條以上至于發屋折木揚沙走石乃可言大災福

凡鳴條以上怒風起止皆詳其五音與歲月日時德合刑衝墓殺五行生尅

風角

旺相休囚死以言吉凶仍以六情推之萬不失一

亢年月日時四氣五墓風從上來白濁昏寒皆為凶風其日三刑最急坐不及起有賊暴至即防伏兵平時無兵防人謀害

亢兩軍相當歆分主客以日夜所得納音為客以時下十二辰與風所來方為主若日夜納音能尅時辰及方客勝時下支神及風來方能尅納音客敗尋常家居亦以此占內外宮風當日雨微風三日雨羽風五日雨商風七日雨角風九日雨但依日數得兩即解

亢風勢蓬勃揚沙蔽天着人寒慘日白無光兼殺帶刑則為國有暴令若月建為大臣日為令長時上來為民

亢風起三刑而鄰于德不可分別刑與德者以風言之德風鳴條索：雖擺枝落葉乍起乍止而去地尺餘不動塵沙日光不變者則以吉言反是者則以凶言

亢風非常滿三日夜天下盡風也二日夜者半天下風一日夜者千里風也又曰一日二夜事及三千里外一日一夜周時事及二千里六時以上事及千里半日半夜三時以上事及五百里一時以上事及百里又曰拔水事及三千里折大枝事及二千里

允風猝起城郭即城郭中有急事起宮宅為左右有變事

允風所發各以五音之數期風之遠近允五音有納音金木水火土有十二

支配五音有聽聲配五音者宮風近十里中百里遠千里徵七羽六商九角

八皆以五音成數推之變通其數觸類而長之

允風所從來二十四向皆須明知發止審別支干八卦所在發時早晚來從

何方息在 時止在何方皆須知之乃可以言

允天子占千步諸侯去宅五百步庶人去家之百步占之

五音六屬法

五音 一言宮：為君 三言徵：為事 五言羽：為物 七言商：為

臣 九言角：為民

六屬 庚屬震 辛屬巽 戊屬坎 己屬離 丙屬艮 丁屬兌 午屬

庚 丑未屬辛 寅申屬戊 卯酉屬己 辰戌屬丙 巳亥屬丁

地支十二辰五音法

子為陽宮土主帝王

丑為陽徵火主火災主旱主宮寺主口舌

寅為陽徵火主旱主烽燧主火

風角

浙

卯為陽羽水主雨霖主水主霧

辰為陽商金主大將軍主吏士

巳為陽角木主疾病憂患

午為陰宮土主后妃

未為陰徵火主庶人主土工蜚蟲詔誥書檄主旱

申為陰徵火主郵驛尉候旱火

酉為陰羽水主霜雪雷電陰沉

戌為陰商金主小將刀兵

亥為陰角木主成喪哭泣

風角總占

風來無常來從四方

凡暴風忽起擺樹鳴條風勢緊急未及二三刻漸微而止者其遠不過十里來

當視日辰占之若在刑衝方則外界有送盜至在德方則外界有送祥異至

在合方則外界有送書信至凡風驟起吹沙走石半日而止當視太歲支

干若在刑衝上來君怒欲行誅殺不出三月米貴有旱滯之災在德及合上

來不出三月有德令凡晝昏有風聲而無風凶殃咎至臣欺君不出十日

江圖書館

其政鳴條致拆其化鼓舞飄揚訟平則青和明靜改台則天氣温凉

其政鳴條啟拆其化鼓舞飄揚訟平則清和明靜政治則天氣溫涼

風頻起從歲月德合上采日色明盛天氣清明謂之祥風其占為天子用賢

遠奸人物阜安

發屋折木者為怒

凡風發屋折木天色赤者兵大起行千里 凡暴風急入舍發屋戶不出六

十日有相殺者若入宮殿王者惡之暴風入宮裂帳君有憂入軍幕折旗鎗

軍將有憂 暴風發屋折木從四維上來名曰賊風兵從風所來東北不出

八日八十日東南不出四日四十日西南不出二日二十日西北不出六日

六十日

揚沙轉石者為狂

四時暴風起北方主盜賊起天下兵令人病 帶下不能起居北方主水主

盜賊 暴風起東北方鬼行人道多旱疫天下大水令人病泄立春之交萬

物變改良為鬼門 暴風起東方人沅盜賊相攻天下旱歲饒令人病節四

肢不可動搖 暴風起東南方多病泄痢乳婦暴病死 暴風起南方有火

災來年旱人多病熱生瘡目盲難為 暴風起西南方天下兵動日月失

色令人食不入于口病腹脊股膝背皆腫坤為衆故兵動陽衰故日月失色

風角

圖書館

暴風起西方主秋旱霜天下兵動日月食人多病瘡疥癰 暴風起西北方
天下大饑人多病瘟疥癰惡瘡疾病必喪有盜賊相攻人流亡日月失色地
動 凡八方風候及八卦風起春黑夏白秋赤冬黃皆為下逆上兵革動各
隨其所日辰占之 已上風三日內不雨則占
勢紛錯交橫任小人而疎君子

紛錯交橫乍起乍 其叢聒耳者為小人魅惑風
叢啾唧慘切不疾疫而必大喪憾：蓬勃大兵將至

其聲憾：南北襍亂高下蓬勃大兵將至也
炎：恍惚大旱為災

炎：如火奔馳乍起乍息或疾或遲為火旱風 連風冥晦四日五日人皆
悲傷是謂水災殺人風 凡風吹塵連日不散如霧其色赤黑黃燥有火殃
觸塵蓬勃者為悖亂扶搖羊角者為颶風凜冽而入懷戰慄刑罰暴急猝起而
南北不定上下不寧

魏齊王嘉平元年正月壬辰朔西北大風發屋折人昏塵蔽天按管輅說以為
時刑大風執政之憂也後踰旬而爽等滅

晉元帝末暴風壞屋拔御道柳樹百餘株其風縱橫無常若自八方來者是時

王敦反而害周顛等

晉成帝咸寧五年毛寶屯邾城九月戴洋言于庾亮曰毛豫州今年受死昨朝大霧晏風當有怨賊報讎攻圍諸侯問當在何時對曰五十日內

梁元帝閱武于南城北風大急普天昏暗洪範曰人君瞽亂之應是歲為西魏所滅

唐憲宗元和十二年春青州一夕暴風自西北天地冥晦空中有若旌旗狀屋瓦上有如蹠躐聲占曰不及五日茲地當殺戮

宋真宗三年大風起西北折木吹黃塵蔽天占曰並主陰謀奸邪是秋內侍周懷政坐妖亂伏誅

英宗時大風霾是日羣臣上尊號伏衛皆不能整越七日而帝崩

欽宗末天氣昏曠狂風迅發竟日夜西北陰雲中如有大光二丈餘濶數尺時

時見庚戌大風雨二月乙酉大風折木晚尤甚三月丁酉風霾已亥大風四月庚申朔大風吹石折木辛酉北風益甚苦寒遂有金人之難

元順帝至正二十三年七月明太祖閱兵三山門外邵榮伏兵門內欲為變會大風猝發吹旗觸帝衣帝異之易服從上道還榮等不得發

八風

風角

聖人在上時風乃若賢人在朝八風循道

八節各有旺卦于本卦上來者為王風其衝處為逆風

立春有條風以艮生

官

立春之節東北方艮卦用事赦小罪出稽留則艮卦氣應而條風至如衝來為逆兵起其日天氣晴明少雲則歲善而熟陰則旱蟲傷米豆乾方來暴霜殺物粟湧貴坎方來冬大寒北虜來侵艮方來豐稔五穀收震方來氣洩物不成巽方來多風并蟲離方來旱傷生物坤方來春寒六月大水人多愁土工興兌方來兵起霜早疾疫

圖

春分有明庶而東作

春分之節正東震卦用事正封疆脩田疇則其卦氣應明庶風至如衝方來為逆王者宜脩左右若刑殺昏寒其日東方有青雲必熟若晴明物不成乾來歲多寒金鉄倍貴一日應四十五日坎來饑疫菽豆不成一日民風艮來夏不熟米貴一倍一日水震來五穀成而歲康巽來蟲生四月多暴寒一日離來五月先水後旱坤來小水人多瘡疫兌來蝗蟲動一日春寒八清明出巽當立夏之時月夏兵麥貴

清明出巽當立夏之時

立夏之節東南方巽卦用事出幣帛使諸侯挺重囚出輕繫則其卦氣應清

明風至如衝來為逆主小山其日南方有赤雲則出歲豐若晴明則早乾來其

立夏之節東南方巽卦用事出幣帛使諸侯投壘因出輕繫則其卦氣應清

明風至如衝來為逆主小凶其日南方有赤雲則歲豐若晴明則旱乾來其
年飢夏霜變不刈坎來多雨水魚行人道艮來山崩地動人疫震來雷動非
時擊物巽來其年大暑歲豐離來夏旱禾焦坤來人多不安萬物殺傷兌來
蝗蟲大動

景風南來入夏至之日

館

夏至之節正南離卦用事爵有功祿有德尊俊傑選賢良則其卦氣應景風
至如坎來為逆臣子為亂其日南方有赤雲則歲豐晴明則旱乾來寒暑傷
萬物坎來時不節夏多寒山水感艮來山水湧出一日山崩震來八月人多
疫巽來九月大風落萬物離來五穀成熟坤來六月雨水橫流一日人殞大
兌來秋多雨一日霜寒

立秋兮西南涼風乍涼

江

立秋之節西南方坤卦用事專任有功以伐不義詰誅暴慢以明好惡則其
卦氣應涼風至如衝來為逆穀無實其日有白雲小雨吉晴明物不成乾來
苦寒多雨坎來冬霧多雪一日多瘡艮來秋氣不和一日穀不熟震來秋多
雨雷人不和草木再榮巽來內兵猝起離來旱兵戍不利坤來五穀熟兌來
兵起將行一日秋多雨

風角

秋分兮西方閭闔啟剝

秋分之節正西兌卦用事嚴刑罰歸囹圄誅殺必當罪無寬滯則其卦氣應
閭闔風至如冲來為逆帶刀入市其日西方有白雲即熟晴明則物不成乾
來寇盜起人相掠坎來多大寒艮來十二月必多露多陰震來人疫木再榮
花不實巽來十月多暴風離來兵動國南七百里坤來土工大作一日民憂
兌來主歲豐稔

立冬乾來兮不周

立冬之節西北乾卦用事恤孤寡察阿黨築城郭造宮室則其卦氣應不周
風至如冲來為逆人去其鄉其日晴明小寒人君吉天下咸熙乾來王道行
一日來年熟坎來冬多雪殺畜一日人殃艮來地氣洩人多疫震來人不安
居雪寒巽來冬温明年夏旱離來五月大疫坤來水蟲食物魚鹽倍貴一日
水泛溢兌來山澤有兵人多妖言

冬至坎來兮廣

冬至之節正北坎卦用事誅有罪斷大刑去殼色禁嗜慾安形性休甲兵不
興事以待陰陽之所定則其卦氣應廣莫風至如衝來為逆人民散其日有
雪寒則歲豐晴明則物不成謹候冬至之日見雲迎送日者來歲人民和不

浙

書

疾疫無雲迎送日者歲惡赤旱白兵黃土工黑水風從乾來強國憂年多災

雪寒則歲豐晴明則物不成謹候冬至之日見雲迎送日者來歲人民和不

疾疫無雲迎送日者歲惡赤旱白兵黃土工黑水風從乾來強國夏年多寒
一日明年夏寒 坎來歲豐民樂艮來正月多陰雨震來暗雷不發大雨連行

巽來蟲傷生物離來冬温乳婦多亡水旱不時人多疫 一日穀貴 坤來蝗蟲
傷稼多水民不安兌來明年秋多雨大兵起

正朔之風立春較同

乾來小雨兵起 一日穀不收有憂有胡兵有水桑葉賤

坎來大雨滂霈為中歲 一日有大水民多病

艮來歲豐 一日為上歲民安若暴風異常則人疾疫有蝗蟲

震來大雨霖霖 一日大水小收如暴風大旱有喪

巽來民疫歲惡 一日多風傷五穀 一日六月多風

離來大旱 一日大熱多大災

坤來小旱 一日有疾疫道上多死人 一日春旱歲有水 一日宜禾牛羊瘡

兌來兵災 一日歲憂民災糴貴國有殃

平旦北風春民殃日中北風夏民殃夕時北風秋民殃終日北風民大病死

者十六 風從東來夏來平而麥收秋滂 歲旦天氣清和温潤風不鳴條

兼有雲迎送日者其歲美人無疾疫 正月朔日暮後東井有雲歲潦務耕

風角

山田 正月朔日晚至三日元雨陰不見日者一歲大美十倍 元旦大風
發屋折木其歲大惡 十二月晦正月朔有風雨則主春旱若四方有黃雲
為熟青為蝗蟲赤為旱白為兵黑為水

凡候歲美惡歲始及冬至日臘明日八風各以其衝對久勝亟疾勝徐旦至
食為麥食至日暎為稷暎至晡為黍晡至下晡為菽下晡至日入為麻歆終
日有雲有風有日當其時深而多實无雲有風日當其時淺而少寔有雲風
元日當其時深而少寔有日無風雲當其時稼有敗如食頃少敗如熟五斗
米頃大敗風復起有雲其稼復起用雲色占種所宜雪寒歲惡是日光明聽
都邑人民之叢：宮則歲美吉高兵徵旱羽水角歲惡或從正月旦比數雨
率日食一升至七升而極過之不占數至十二日直其月占水旱一日雨正
月水為其環域千里內占即為天候竟正月：所離列宿日風雲占其國必
占太歲所在金襍水毀木飢火旱土 共其大經也正月上甲日風從東方
來宜蠶從西方來若旦有黃雲歲惡

五音風

凡五音之日風來色黑不見人者先緊後慢經刻止者主疾病惟宮日值占
在君其下四日以其日占其地大臣或民流亡期以支干合朔數甲子日二

九之數近十八日遠百八十日更遠則九年

風從五音旺相方來止于旺相人主壽昌百姓安寧

何以別風之五音宮則如牛鳴竅中急惡土功大動山摧岍崩

宮日風從子午宮上來主人君出行急風暴起有急令慢風有喜令以日干

占知遠近 宮日風從陽宮來山陵崩壞人君出行地動早有土工從陰宮

來地震裂若后出行又為旱 風從子午宮來時加子午為重宮君欲行大

臣走又為風雨不調 宮日風從鳴條以上發止于宮者皆為人君出從德

鄉以德事出刑鄉以刑事出溫和清明以喜事出寒慄昏濁以憂事出 凡

宮風猝起宮室皆為土功興作若潰亂則為聚眾 庚子陽宮之日夜半宮

時大風從子來折木發屋止于辰戌為宮之墓天子有憂喪白衣會大臣歿

期九日若九十日 庚午陰宮之日日中夜半大風從子午上來折木發屋

止于辰戌皇后猝暴災病期九日若九十日 庚子陽宮日夜半風從己酉

上起止于午風調不怒天子有喜立后九日或二十七日九十日 丙子陽

宮日風從未上來止于戌民憂疾病以日占國此是刑例其餘依此占之

丙子本作丙戌或是善悞

自角來蝗蟲敗穀

宮日風從己亥角來為宮動角有兵戰人主憂客兵傷有喪從陽角來遣兵

風角

有大戰大喪宮為土為君角為木土動木不勝故君凶木主哭泣故有喪
時加己亥為重角君不昌有大喪

從商至大水暴風

宮日風從辰戌商來為宮動商有兵行且有客兵來 時加辰戌為重商有
兵災

發徵方蟲狼為害

書

宮日風從丑未寅申徵來為宮動徵有火災土功寶物出有兵 時加徵為
重徵有義兵行有土功有詔令謂之義風

起羽地大雨陰寒

宮日風從卯酉羽來為宮動羽不則大臣出走若復旱宮君羽臣君怒臣走

宮土羽水土盛水衰則火起故復為旱也 時加羽為重羽即有雨

如離群羊風散入商暴起有鬪兵急令商來必夷塞閼梁

高日風從陽商來有白衣聚眾自立且有雷雨閼梁不通大將出忌外兵邑
有小寇人君憂國四門閉兵在西方從陰商來國有大殃粟貴邑有兵起風
怒期七日若七十日有急令兵大起商為金二金並行故有大兵 高日風
鳴條以上發止于商及猝起宮宅中有鬪兵傷若納音尅時則外人來傷主

人時尅納音主人傷客若風從商來時加商又止于商即宮宅中必有自傷

鳴條以上發止于商及猝起宮宅中有鬪兵傷若納音尅時則外人來傷主
人時尅納音主人傷客若風從商來時加商又止于商即宮宅中必有自傷
者

發宮方邑有憂

商日風從陽宮來戒太子忌怨人臣有急兵宮土商金母憂其子故為太子
亦為人主疾從陰宮來庶子有憂有急安兵起北方

發角地國有喪

商日風從陽角來有猝兵有急令從陰角來有大喪土功作
君令行也起于徵方

商日風從徵來國受令兵行將在外兵還不戰臣受兵令而行徵為號令商
為兵商受徵尅故兵退 時加徵為重徵有火有大旱

大雨至也來于羽地

兵在外解 商日風從羽來大雨水歲大荒國憂亂有兵起 東方羽水從
金生故有大兵大水之事

如千人呼嘯其風聲配角按木自賊來鬪戰起角則急兵入城

角日風從陽角來邊兵起人主憂有賊主戰不勝多死亡從陰角來有兵有
大喪時加角有喪有邊兵戰盜賊起粟貴民饒多成角主死喪重角則尤甚

風角

也 角日風鳴條以上發止于角及猝起宮宅之中皆為死喪疾病若時加
角而風從角來又向角去或止于角皆為外喪期九日若九十日時加旺為
君長相為臣子及妻死因休為下賤以風起止之方決其人及所在角襟羽
為水死襟商兵死襟徵火死襟宮囚死純角病死大凡風起止時方位徵多
為火羽多為水商多為兵為粟貴角多為疾病宮多為吉須鳴條以上按本
揚沙吹石落葉擺樹乃占以風止處為災止之月如止寅則正月止：卯則
二月止之類是也 角日大風從亥上來止來入墓中大臣將死近期九日
遠期二十七日以日占其地舉火為例凡五音之墓准此 四季受角之日
風從未上來連三日至九日人疾病若風從已亥上來寒慘止于未者人死
喪以日占國期九日若二十七日五音皆准此

商則軍令起而暴兵來

角日風從商來有急兵

宮則貴人疾而土功作

角日風從陽宮來兵從中起君憂國四門閉從陰宮來貴人多疾病有土功

宮為君角主死喪故有大喪

羽來兮人泣而其野飢

浙

相來兮人泣而其野飢

角日風從羽來主有大雨有土功興邊有兵鄉大夫多口舌疾病亦為夷人相奪

徵來兮絲貴而火燭燥

角日風從徵來大臣災亦防火虫生粟貴

穀如縛蠹其音曰徵發屋有急事來自徵有燭火起

徵日風從寅丑陽徵來有火災君有恐走獸為人害宮寺多焚從旺相來歲

大旱亦為火災從未申陰徵來人君憂走獸為火焚六畜多死時加丑未寅

申為重徵國四門閉為火事 徵日風鳴條以上發止于徵及猝起宮宅中

皆為失火口舌爭鬪迨石之憂若風從徵來時加徵又止于徵者宮寺失火

徵日氣炎之熱氣遮人或徵上來或止于徵或帶刑殺五墓皆有火災不出

三日 諸徵日風猝起午上止于亥軍中左右必有謀反者六甲窮日同占

角則旱火發而土功起

徵日風從陽角來有兵邊有急金尅木之子火反尅金故有兵亦為喪從陰

角來邊有驚火

宮則哭泣動而炎火興

徵日風從陽宮來土功起大旱火災頻起宮寺從陰宮來太子有疾 時加

風角

宮為重宮有土功火災起

商為急兵鬪爭

徵日風從陽商來有急兵人主出以兵自守期七日若七十日從陰商來邊有兵戰

羽為寶物出國

徵日風從陽羽來四隣有事實物出陰盛于陽且有雷霜雹諸侯大臣多火災四夷有兵從陰羽來寶物出多震電四夷有事

揚波擊鼓孰不為羽急怒則糴貴而有兵發羽則霜雹而大雨

羽日風從羽來有白衣之會有大喪大寒雪雹期五日若五十日且有雨；從南方來國有憂人多病雨從北方來賊聚水中且有雪雹陽羽日應陰雨夜應羽日風鳴條以上發止于羽及猝起宮宅中紫為聚衆若寶物出入船渡水物為安之事若風從羽來時加羽又止于羽者有大雨水亦為酒食

燕會

自商來則鬪兵不安

羽日風從商來有兵圍城不戰邊有急閉梁不通大雨客兵不利金水子母和故不戰羽為角除害象臣為君討賊故動必大雨不出戰故也

和故不戰羽為角除宮象臣為君討賊故動必大雨不出戰故也

自宮來則暴寒傷物

羽日風從陽宮來人持財寶君有吏令邊兵起土功興將受命有集令有雪

電寒從陰宮來暴傷物有水有土功兵集

徵來兮臣民有憂

羽日風從陽徵來國有兵有急令臣有憂闔梁不通從陰徵來邊兵有憂

角來兮城圍不去

羽日風從角來邊有兵圍城破時加己亥為重角有圍城有大喪

附五音風占

凡占風必知風之晴曉風之聲五音者五行之聲皆出于黃鍾之管長九寸
聲最濁為宮其數九九、八十一分增減以生上下故三分減宮一分餘五十
四三分益一為七十二三分減一餘四十八三分益一為六十四以成五音
之數也聽聲之法須以耳察大小清濁必須度教正之度數正不可以文載
口喻姑言其概于後

宮風聲如牛鳴窖中隆、如雷鼓響

浙

商風聲如離羴羊如叩鐘磬如蜚羽之集如嗚咽流水鳴聲感人

角風聲如千人語恨、然令人悲哀如千人叫啾、然如呼如嘯如雉登木

風角

微風散如奔馬如炎火如縛彘駭走

羽風聲如擊濕鼓如麋呼子如水揚波激氣相嗟

宮風發屋折木有土功人君內煩宮為君怒則動其心故內煩不出十日遠

則百日有所之風以動不安故有所之且有急令貴臣輔相斬天下兵起盜

賊滿市人飢不救車馳馬奔流亡不止宮土動故人移居也

商風發屋折木不出七日或七十日有急令兵大起大貴國四門閉備守

禦關梁塞兵從中起

角風發屋折木不出九日或九十日有急令關戰大貴民飢相食有大災

喪疾疫

微風發屋折木有大災不出三日若三十日吏憂自行四方告急事有旱災

妖言惑眾百姓驚恐自亂凡言吏者理人之宮上至三公皆是微主烽燧故

羽風發屋折木不出五日或五十日大貴人以水為憂有大喪后妃黜殄

寶出

以上係風散占与日辰五音不同然亦須以日辰來方相參者之

凡五音之風從本墓上來或時加墓或止于墓皆主大臣有疾喪或黜或為

火起若蓬勃有聲吹砂走石大山三日內有雨則災不成歲上來人君不安

刑上來后不安月建墓上來宰相大臣有病或日墓上來以日占其分長吏

刑上來后不安月建墓上來宰相大臣有病或日墓上來以日占其分長吏
或民不安米貴若月刑及時墓上來受風之處小兒多死月建刑冲上來受
風之處米貴人災若帶角徵日時及方又加火災以上蓬勃叫怒吹砂走石
天色晦暝則占若天清日明天氣温和不揚沙走石者其風雖大未可輒以
此斷

附五嶽之音風占

五嶽之音以納音為論若風發屋折木揚砂走石或至三日以上乃占不能發
屋折木揚沙走石不盈時而止者雖凶亦無大害

東岳之音

東方寅卯之角國有大寇人疾病 庚寅辛卯是也

寅卯之徵有妖言鬼神之書作妖有火災 丙寅丁卯是也

寅卯之商國有大兵客主攻伐之事賊出燕趙 壬寅癸卯是也

寅卯之羽有暴霜電水災蝗虫起 甲寅乙卯是也

寅卯之宮帝王不安其都有出行宝物出有善令以財物賜庶人 戊寅乙
知是也

南岳之音

南方巳午之徵國有夷狄之害遠人謀 乙巳戊午是也

巳午之羽有江海賊或水中舟中害人 癸巳丙午是也
巳午之商國之大臣斷事人民強亂 辛巳甲午是也
巳午之角牛羊疫魚死水中小民動移 巳巳壬午是也
巳午之宮天子欲伐暴亂賞有功逐佞人封有德 丁巳庚午是也

西岳之音

西方申酉之商軍民內移出乘舟沒溺凶 壬申癸酉是也

申酉之商有貴人災使者至有奸兵起 庚申辛酉是也

申酉之宮臣爭財不惜民 戊申巳酉是也

申酉之徵有內臣謀逆 丙申丁酉是也

申酉之羽霜雹失時秋災兵起水賊動人多疾病五穀不熟 甲申乙酉是也

北岳之音

北方亥子之羽蝗蟲起霧傷萬物 癸亥丙子是也

亥子之商外兵為患水中賊起 辛亥甲子是也

亥子之角三公憂人疾病 巳亥壬子是也

亥子之宮土功事起兵行 丁亥庚子是也

亥子之徵皇后憂太子有暴喪 乙亥戊子是也

中岳之音

四季辰戌丑未之宮有土功人流亡千里牛羊疫也丙辰丙戌辛未辛丑是

辰戌丑未之徵山賊出流言于民怖敬避亡甲辰甲戌巳未巳丑是也

辰戌丑未之羽民誅妖言有流移之災壬辰壬戌丁未丁丑是也

辰戌丑未之商五穀不熟民多災疾庚戌庚辰乙未乙丑是也

辰戌丑未之角夷狄兵起胡人作難寶物出戊辰戊戌癸丑癸未是也

六情

五音既定叅之六情申子為貪狼貪而無厭

北方之情好水也好行貪狼申子主之水生于申盛于子其性趨下浸漸

潰觸物而潤故其情為好而無厭則為貪婪故謂之貪狼主貪財嗜利強

奪橫取欺給詐騙攻劫盜賊之事其日風從本方上來不出七日關梁驚不

則自兵往故他界貪狼之日時加貪狼風從其上來有盜賊攻劫人財禍

起北方若寒急昏慘則傷人不則小盜公正上來有報怨讐者揚兵相擊

歲月在丑未大凶好邪上來有持惡物至廉貞上來有人以物相賂

寬大上來有人持禮相候欲求財物陰賊上來有人以陰賊事相連引不

則外為獸所傷貪狼之日時加奸邪陰賊風從奸邪或陰賊上來必有盜

風角

庚子之徵皇后憂太子有暴喪乙亥戌子是也

賊刦殺之事

寅午為廉貞遷進專精

南方之情惡火也惡行廉貞寅午主之火生于寅盛于午其性猛烈无所容納故其性為惡則怒惡疾邪不染污穢故謂之廉貞主賓客禮儀嫁娶燕享圖議忠信舉用賢良遷官慶賞之事其日風從本方上來有相辯怒事廉貞之日時加廉貞風從廉貞上來清和條暢有貴人慶賀若帶刑殺或昏冥寒慘則因而生怒貪狼上來有人爭財寬大上來有遷官詔令貴客酒食燕樂公正上來貴人有所相問奸邪上來有人上符文召發事不則有奸人設計相結陰賊上來有賊刦劫不帶刑殺無害廉貞之日時加寬大風從廉貞或寬大上來或止于寬大有貴人以酒食相樂

亥卯陰賊潛為寇盜

東方之情怒木也怒行陰賊亥卯木主之木生于亥盛于卯其性屈曲受水而生貫土而出陰決閉匿故其情為怒而還賊所養故謂之陰賊主陰謀陷害屈曲邪佞叛逆戰鬪暴疾殺傷之其日風從本方上來不止七日有陰賊人偷營斫寨事陰賊之日時加陰賊風從陰賊上來有賊格鬪所在部內必傷人貪狼上來有賊爭財相殺公正上來外人謀內寬大上來

內必傷人 貪狼上來有賊爭財相殺 公正上來外人謀內 寬大上來

告客行財于人 廉貞上來有巢隱之士為人所劫 奸邪上來起止奸邪
有婦人從東來或東家婦人勾引之事伺隙為盜者 陰賊之日時加貪狼
風來寒急者陰賊欲夜來襲人宜急備之

巳酉寬大酒食歡榮

西方之情喜金也喜行寬大巳酉主之金生于巳盛于酉其性剛毅不忍加

物无不寬大故其情喜稅主秋成乾天體故謂之寬大主福祿賞賜酒食施

與貴人君子聚集賜賀章恩發賚之事其日風從本方上來兵在外不戰有

喜 寬大之日時加寬大風從寬大上來有貴人請召飲食賜予 奸邪上

來有妖人為婦人欺夫 貪狼上來有爭財者 廉貞上來有遷官賞賜

陰賊上來防陰賊詭計 公正上來貴人召問 寬大之日時加廉貞或寬

大風從廉貞上來有貴客 至喜慶之事

戌丑公正兮悲哀而報讎諫諍

下方之情哀之行公正戌丑主之下方南与西也陰氣之所萌生故為下方

戌窮火也丑窮金也金剋火強各歸其方火刑于午金刑于酉皆其盛也盛時

受制至窮而无所歸故哀火性无私而金性剛故曰公正至報怨復讎諫諍

驚恐主兵訟主誅暴其召風從本方上來忠臣直諫有喜報仇有功兩軍相

風角

當大將來降不出七日敵兵自敗 公正之日時加公正有風從公正上來
吏人相怨讎人報仇 陰賊上來下人陵上 奸邪上來有欲告部吏私財
物 廉貞上來有遷官之喜 寬大上來出逢酒食 公正之日時加廉貞
風從奸邪上來有誠信之士報仇而來詐人
辰未奸邪也淫佚而詭詐虛驚

上方之情樂：行奸邪辰未主之上方者北方東方陽氣之所萌主辰窮水
未窮木之落歸本水流歸源木利在亥水利在申利而无阻故水性智：窮
則奸水性上出窮則旁行故謂奸邪主欺詭不信淫佚邪慝奸私疾病之事
其日風從本方上來七日內有賊或陰人詭詐虛驚 奸邪之日時加奸邪
風從奸邪上來主人見謀或出遇疾病 陰賊上來有宿怨者相攻有流血
公正上來欲報仇怨 廉貞上來有文書或以奸盜相引 貪狼上來有賊
謀持物去 寬大上來有人相請因酒食生病 奸邪之日時加陰賊有風
從寬大上來有人持酒禮相賊謀殺
甲乙為本情而不動丙丁合戊己則叅刑衝是庚辛壬癸鈎情須辨陰前陽後
各三辰曰鈎名
六情者甲乙為本情丙丁為合情戊己為刑情庚辛為衝情壬癸為鈎情陽

支後三辰陰支前三辰

日辰大風

又若風塵蔽天干支共觀甲日則海中兵起

甲日大風必以丙丁日雨不雨則海中兵起

乙日則夷狄來侵

乙日粟貴邊夷來侵

丙丁日旱疾而邊兵圍急

丙日主邊兵丁日主旱疫

戊己日糴貴而土功邑遷叫怒庚辛急備邊陰无咎飛沙壬癸北虜侵境不安

子日為水中兵起

子日大風日光沉：兵起水中

丑日為粟貴之徵寅有赤氣則炎火

寅日大風赤氣四塞為火災

卯有黃霧則蟲生

卯日黃埃衝天蝗蟲必生

辰為將行已為天下大旱午為民散未為土功大興

風角

浙江圖書館

午日乍遲乍疾者人民不安移堡居集 未日日无光影土功大興

申盜攻穀貴也酉作河瀆流溢

申日風穀如磬穀貴盜攻酉日風瀟灑潤必大水河瀆橫流

戌胡兵四起也亥為兵盜相攻

戌日塵霧橫天揚埃千里胡兵四起

亥日揚沙折木兵賊相攻人不安

三日有雨即解陽怒利以陰承

附禱日辰風占

圖書

凡春甲夏丙秋庚冬壬四季月戌為四時天子風若順時于歲月日德上來
止于德合時方其風鳴條擺樹不走沙石天氣溫和日色明朗者天子有德
春甲乙寅卯日夏丙丁巳午日秋庚辛申酉日冬壬癸亥子日風鳴條帶雨
不驟民安物阜

春庚辛申酉夏壬癸亥子秋丙丁巳午冬戊己辰戌丑未風擺樹鳴條或帶
沙石叫怒有穀皆為人民不安萬物不成

春甲寅夏甲午秋甲申冬甲子天門乾上有風鳴條落葉有穀五穀成熟
子日風從午來午日風從子來甲日從庚來壬日從丙來為衝破甲乙日從

庚辛申酉上來壬癸日從辰戌丑上來為刑剋其餘准此其風暴怒勃亂寒

子日風從午來午日風從子來甲日從庚來壬日從丙來為衝破甲乙日從

庚辛申酉上來壬癸日從辰戌丑上來為刑剋其餘准此其風暴怒勃亂寒
慘陰濁皆為大憂五穀傷人不安 春甲子夏丙子秋庚子冬壬子四季月
之戊子謂之天甲子春甲子風雨有赦夏甲子風雨兵起刑獄興秋庚子日
風雨有威賞之令冬壬子日風雨雪進賢人四季戊子日風雨歲熟國安有
赦令 春丙申丁酉日有大風從西來夏戊申己亥日從北來秋壬申己巳
日從南來冬甲辰戊午日從四維上來皆為大賊方起若已有賊必來相攻
亦有謀叛者

春丙丁夏戊己秋壬癸冬甲乙有暴風急雨寒剋者賊兵起若已有賊必入
界若風至夜不止必有大賊圍城
六辛日風起宮宅中有人持酒肉來

附三辰八角風占

辱 殺 反 吉 抵 誕 忿 爭


申子辰日 艮 震 巽 離 坤 兌 乾 坎

巳酉丑日 巽 離 坤 兌 乾 坎 艮 震

亥卯未日 坤 兌 乾 坎 艮 震 巽 離

寅午戌日 乾 坎 艮 震 巽 離 坤 兌

風角



凡風從尊上來國家有恥辱事

殺上來有暴相殺君行道逢之有相殺之人來過

反上來有反逆不順之事

吉上來有喜慶事行道逢之有賢人君子相見酒食燕樂

抵上來有非理抵觸旺貴人相中入休廢庶人囚死罪人相連

誕上來有誕妄之人相欺給

忿上來有非理忿爭之事

爭上來有奸人來爭財物

以上宮宅中迴風亦可用此占

占風察兵之勝負

官書圖五

兩軍相遇風占勝負先明其日納音次察起時方所時方制音利為主而後應
納音反制宜為客而先舉還若相生是為和睦

凡日辰納音為客風來之方為主日辰納音者甲子乙丑商丙寅丁卯徵是也
也風來之方子午為宮丑寅未申為徵是也假如今日甲子納音商為客而
風從未申丑寅上來徵火剋金主人勝風從己亥上來角木受制于金客勝
他做此 又日辰納音為客加時為主人假令今日丙寅是火風起之時加

郊酉羽水剋徵火主人勝時加辰戌商金受徵剋則客勝他做此 又如今

郊酉羽水尅徵火主人勝時加辰戌商金受徵尅則客勝他做坎 又如今日甲子商客也時丑未寅申為火主勝而風又從丑未寅申上來即是兩火共攻一金主人大勝他做坎 又風從日刑上來客勝時刑上來主勝安亦謂時與日相刑也 凡言主客之法軍從遠來者為客居其地者為主又先起者為客後應者為主若兩軍相持以先動者為客後動者為主也

逆風雨交戰則師徒大敗而名浴辰

初出軍三日內行次風勢蓬勃逆來冲我旗幟難舉人彀怯馬不嘶吹砂觸塵人馬過步回無跡者名鬼風或出軍三日內及交戰有疾風甚雨濡濕軍馬咸不能振者為敗軍風出軍而飄風驟來牙旗摧折旗幟繞竿或下垂者交戰將死若營既成而暴風猝來掩軍幕傾旗幟折林木者為惡兆主將失位兵叛敵 風角日初出軍日頓無風草木不動賊不可得若軍行旗幟後指三軍敗戰將死若半道逢賊分軍兩向或戰或止風來逆吹旗幟却飛者大敗若風雨逆來不沾衣者名泣軍師徒大敗若交戰風雨驟來者其名浴屍戰必大敗若狂風吹正帛起空中者其軍不利宜安軍旅及祀天地吉若旋風入寨大為不利 凡出軍逢日霧昏沉風聲錯亂密雲不雨防下人有謀 軍行有風雨相觸者中道而返无功 軍行有旋風起軍前左回繞

風角

者將死右回繞者得敵糧 扶搖獨鹿之風猝起軍營中有反者 若軍右
畔有風動塵者主吏士有死喪 風雨驟從四維上來翻覆轉迴城營中必
有反者

觸風雨交戰則軍旋大捷而為得助

館

初出軍日風從後來衝霧突雲人雄壯馬嘶逸旌旗指敵鼓角聲清而響全
勝若從旁而向前者得天人之助獲敵糧儲敵人來降若風地上五音相生
位來生我為母翼子我生為子扶母來氣晴明人馬奔逸上下歡心風氣和
暢者軍勝天氣昏濁風勢寒剋塵土蓬勃者即有戰以時方日辰分主客以
歲月日時德刑風分勝負仍以五音六情詳之若入敵境經要害過城壘三
日內有風雨雷霆從我軍上去為龍虎之助天与之共伐戰必大勝若平安
之時風雲相交即雨至用兵之時龍虎相交即急戰風為主雲為客若風勢
緊大雲客薄小者主勝若雲已濃厚來勢急風弱不能震怒者客勝風角曰
假令甲日風從郊酉上來以名母翼子丑未寅申上來此名子扶母出軍勝
有成功風為龍為主人雲為虎為客
受商羽宮日風從季來或申子亥卯時當子午帶刑殺急速而有寒濁有夷兵
犯寨而出沒

庚辰乙未庚戌乙丑為四季受商之日時加商風從亥卯辰未上來止于子

庚辰乙未庚戌乙丑為四季受商之日時加高風從庚卯辰未上來止于子午滿五日以上至九日風怒不解夷狄起兵若風中止更轉巳酉上來賊必自解近期七日中九日遠百日若風來不滿日止或轉子午上來或時加子午若雨濕熱皆為賊軍中道離散 奸邪公正受商之日大風勃怒從奸邪公正上來為夷狄犯塞十日止千里來二十日止三千里來期七十日 諸羽日大風昏霧夜半申子上來陰寒迅急當有水賊攻絕津梁道路不通期五日或五十日 丙辰辛未丙戌辛丑癸卯四日為四季受宮之日風從四季上來折木揚沙五日以上至九日風止于午坎為夷狄君長萬里來朝或遣使貢獻近期五日五十日中百日遠百五十日天色溫和清明乃至寒慘不至 壬辰乙未壬戌癸丑四季之日有風從庚卯上來迅急寒慘比連三日至七日坎外界群賊屯聚與夷狄併勢侵犯郡國晝伏夜行拔木為侵盜不出七日十四日七十日凡坎四日有風從貪狼陰賊奸邪上來勃怒陰慘皆為夷狄反叛依前言之 諸四季日暴風猝起及遊風半日須臾止者為千里外兵不則近界襟居羌胡為變事不成必在千里而千里之人亦可應其占凡小事小風大事大風若風滿九日則萬里外兵若羌胡幾旬者有大變風從四季上來止于子午風色清明天氣和暖者皆為四方界分歆來和隨

風角

日期之 大凡四季至閩梁道路管鑰遠方之客占外國外州外界外夷各以其風起日數知遠近遲速知進退寒溫知勝負他倣此 壬辰日主東夷風從辰上來起七日至九日東方海賊動期五十日 癸未日至南夷風從未上起比連七日 南蠻反叛內侵郡國期七十日 壬戌日主西夷風從戌上起至七日以上西夷反叛期五十日 癸丑日主北夷風從丑上起至七日若九日必主匈奴大入邊塞期二十四日遠則八十日已上風勃叫吼則占 壬子壬申壬辰壬戌之日有風從子上來三日以上日色不明坎水內賊歆叛王國風大寒則夜至近期七日遠不出三十五日以上四日有大風寒慘侵人肌肉不解皆為賊發從旺相來發疾囚死來發遲 壬戌癸亥己卯壬辰甲申丁未之日有風從申子亥卯上來或辰未上來水中兵起相殺近期五日遠五十日

受角日子午之時季來則將伐夷狄

四季受角之日戊辰癸未戊戌癸丑是也時加日中夜半怒風從四季上來五日而止四季者中國天子歆伐夷狄也所以然者四季土也土畏木剋今日角木剋土故知歆伐四夷也歆知所伐之國則視風所止：辰為東夷止未南夷止戌西夷止丑北夷皆期九日至九十日若風止有大雨則不成

四季受角之日怒風從四季來外國賊歆也聚相攻不出七十日若風從

四季受角之日怒風從四季來此外國賊欲屯聚相攻不出七十日若風從四季上來不滿日復從四仲上來轉從陰賊上去寒慘迅急日冥無光此夷狄兵中道自殺不止近五十日遠百二十日

受角日徵來即火災

受角之日大風發屋折木從丑寅未申徵方來乍遲乍疾時加子午當火發宮

寺

受羽日羽來則暴雨

受羽之日從卯酉羽方來天雲陰潤人心寒慘連三日者當有暴雨大水驟至有風肅、調習潤氣濡物而卯酉之位乘之必須更雨至

自刑日風從徵方大火起災及貴府

辰午酉亥自刑之日風從徵方來有火災風寒迅急者火殺人三日內有雨

即解

飄驟而牙旗折交戰將死急惡而軍幕傾將卒皆惡暴風忽急于刑墓之方宜防急賊及伏兵掩覆

丑日時加戌風從未上來大寒尅者必大戰流血主客俱傷所以然者丑刑戌風從未來又刑丑而戌又刑未此三刑俱會也法主大戰申日時加寅風

風角

從已上來同上子日時加卯風從子上來客大勝風從卯上來主人勝辰午酉亥自刑之日風從其上來客勝若時加辰午酉亥風從其上來則主人勝風從日刑上來猝暴者必夜來攻人風從刑上來相衝擊上起者半路有突兵軍府風逆行伏兵起軍中 凡風從三刑上來坐者急起行者急走敵必至至必交戰有敗宜固守若戰將必死月刑不出日日刑不出日 凡風從三刑上來非唯兵戰百事皆凶刑上來發疾刑下來發遲微令今日子日風從子來為從刑上來從卯來為刑下來從刑上客利刑下主利餘悉同 凡刑金為兵金日庚辛申酉刑木為喪不日甲乙寅卯刑火為火：日丙丁巳午刑水為水：日壬癸亥子是也 凡軍始行逢歲月日時刑下風來者必有死將若得旺相客死休囚主人死 風從歲刑來必有大兵人馬死不出歲天下大兵 從月刑來為賊起郡兵發 從日刑來為夜至主人兵敗 從時刑來不出三日鄉兵起 凡風從五墓又止于墓為死喪事宮羽墓在辰高墓在丑徵墓在戌角墓在未宮主君四音主大臣國戚及民死喪也 漢順帝時郎顛疏曰陽嘉二年正月戊午徵日也時加申風從寅來丑時而止丑寅申皆徵也不有火災必當為旱 梁元帝二年 月 日大風晝具天地昏暗京房曰羽日風天地昏人大疫不

然多寇盜三年為西魏所滅

旋風

彼有獨鹿盤桓風名曰旋

回風覆人宮日有田土爭訟徵日有鬪訟若從徵方來家宜防火羽日失財物或憂酒食事聚衆于上高日為財止為遣人所謀角日有疾病從角地來為死喪事 宮日回風突人戒田宅憂移徙或爭從田宅起道路過之不宜為客衝外則吉徵日回風突入告訟文書凶或有金錢事羽日回風突人戒入水行舟或失財物有聚衆事高日回風突人戒爭財或入山林墜下被傷角日回風突人有疾病死喪否則相傷 **凡**宮宅中同坐非一人或十餘人同行而有旋風相衝未知在誰風從宮來即宮姓人當之若同者非止一人又以長幼別之孟為長年寅申巳亥主之仲為中年子午卯酉主之季為少年辰戌丑未主之若長幼又同者非止一人則以休旺別之日辰旺相事在尊長貴人囚死休廢在卑幼賤人又陽日取男在左右者陰日取女在左右者又同則取衣服之色宮黃徵赤商白角青羽黑或取其所持之物決之即知其事在誰也 凡回風起而止前者皆以時音期之後來逐人而過者以日音期之假令日音得角期九日

風角

入吾寨急宜嚴備

旋風直上衝天起我軍中急戰大勝

入敵城急合攻焉

旋風猝起敵軍上急擊之勝

入宮宅居室之內決音情刑德為先

凡宮宅內西堂為父東堂為母堂邊為長子房為婦女庭為衆牆壁為少女灶

為奴婢門為貴客回風暴風猝起若從外入皆以德刑言其所主之人吉凶

也 凡回風猝起宮宅諸商日時加寬大風從角上來止于囚或林廢為貴

作姦風從門外入門而止于商時方亦然加奸邪不覺加公正覺 商日時

加申風從末上回風入南門至堂邊為長子作盜入井為女子作姦欲共他

人殺人陰賊之日時加申子風從奸邪止陰賊婦女作姦殺人 旋風起宮

宅中以六情言清和旺相有氣亦吉囚或為凶 旋風猝起宮宅之中或外

入揚人衣物發屋宇皆為猝暴事若從歲月日時德上來或止于德合之方或

寬大日辰值德合之日則王相有氣為吉若從歲月日時刑冲墓殺上來或

日辰囚死時下皆為凶事貪狼陰賊奸邪之日凶 宮日旋風起宮宅中為

訟為因為縣官有連引事 旋風起坐席君子失官小人失財 辛丑日時

館

加午風入宅中從午上來後三日有酒食 商日風從純角來入宅為惡鬼
入宅害人日辰王為縣官從王鄉來為家長相鄉來為子孫休廢來為貴客
囚或來為下賤貪狼來為盜賊奸邪來為淫婦小人公正來為饑人餘以類
推之 凡在宮宇廳院園苑之中有旋風分明依道不急不惡清明和暢漸
回前來者當有賢人君子至或使者召命喜慶之事 旋風入宮闕中一日
再三名曰大陽戒不出一年內兵起

德為喜慶

旋風從歲月日時德上來皆為酒食喜慶吉事假令今年在火鄉有田宅物
從南方來在金鄉有錢物從四季方來在木鄉有酒食六畜物從西方來四
孟之日四孟上來上官長吏有賜予四件之日四仲上來次官長吏有賜予
四季之日四季上來下官長吏有賜予若音得商時或加商日辰又加商有
金銀銅錫之物得徵時或加徵日辰又有文書采色之物得羽時或加羽日
辰又羽有酒食若水物得角時或加角日辰又有木實穀粟繒布衣服得宮
時或加宮日辰又有土瓦器革肉之物王相其物良休廢則散濫

刑作憂煩

旋風從歲月日時刑墓上來行者急走坐者急起避之 回風從人本命墓

風角

上來而值之為疾病假令時加角為從高墜若失行為竹木所傷時加徵為
火燒若見血事時加宮為瘡腫時加商為金所傷時加羽為沒溺歿 回風
從本日墓上來值之者疾病若歲刑上來為縣官召月刑上來為尉部鄉亭
召日行上來戒爭訟時刑上來有卒急兵事皆凶 諸陰賊日有飄風鬼風
從四季上來時加四季鳥飛從四季上來必有捕搜之事欲知捕何人如丑
戌捕敵恐仇加辰戌為捕盜鳥占即同風來占以日辰支干休旺期之 旋
風猝起而帶三刑五暮賊有伏兵 營中旋風頻起而出者不可以戰急移
營避之 旋風挾時刑主人利疾戰日刑客勝

入屋室飛揚衣物財驚耗不盜湏然凡行次過來衝我宜迴避暫止勿前

行道旋風從正南來有酒食若時加巳酉皆大吉 旋風起吉方來兩處夾

道隨人行者重吉久不滅亦無他但從凶方來即凶 行道有旋風從前面

來衝人防前有伏匿相謀以時下五音德刑占之 旋風急起從後來逐人

亦以其日干支納音時加刑德五音六情占之皆以清和為吉寒濁為凶

旋風旁起前或橫衝而過皆凶並用日辰刑尅占之 行道有回風人宜迴

避 行道之次忽遇暴風旋風當以行年決之若風來突人從廉貞寬大公

正上來于人本命相生則為歡喜飲食相迎從奸邪陰賊貪狼上來于人本

命相尅則為假謀相害若逆動寒冥又加刑殺大禍即至 行道見回風從

命相尅則為侵謀相害若蓬勃寒冥又加刑殺大禍即至 行道見回風從西方來必有酒食

晉成帝時九月甲寅申時迴風從東來入劉胤船中西逼杖如足練長五六丈戴洋曰風從咸池下來攝提下去咸池為刃兵大殺為死喪到甲子日申時府內火聚骨埋之後郭默殺劉胤

附占風知兵

立春正月戊申二月己酉三月庚戌暴風從西來七日夜不止兵起西方

立夏四月辛亥五月壬子六月癸丑有暴風從北來七日夜不止兵起北方

立秋七月甲寅八月乙卯九月丙戌暴風從東來七日夜不止兵起東方

立冬十月丁巳十一月戊午十二月己未暴風從南來七日夜不止兵起南方以上皆不出衝火起

諸商日時在奸邪風從貪狼或陰賊上來日色白濁若昏霧比連三日若七日人間盜賊屯聚攻城不出一月

諸商日風夜半卒起大霧至日中不解兵起

四季受商之日怒風從四季上來時加子午外界民為賊屯聚相攻關梁塞道路絕不出七十日

風角

諸商角之日怒風從奸邪陰賊貪狼上來白濁冥晦比連三日以上必有大兵以日占何方近三十日遠七十日

凡貪狼奸邪之日怒風蓬勃從陰賊貪狼上來寒慘昏濁又于歲月刑相會或墓殺相會必有卒兵至死兵為卒兵起

諸風蓬勃四起或自上下來觸地名為逆風有暴兵起平旦發人民逆食時發賓客逆日中發姻親逆晡時發臣下逆黃昏發賊肆逆夜半發同姓逆雞鳴發妃后逆皆大故不出三十日若風止有大雨則災不成

諸宮日時加子午風從四季上來有奸人揚言行間人君左右親客內亂若風勢蓬勃怒叫寒慘吹沙漲天日色昏昧或兼刑殺必有叛逆兵起

諸公正日風從公正上來止于寬大為長吏勝賊

諸陰賊日風從陰賊上來時加公正風止奸邪或奸邪上來止于陰賊皆為賊勝長吏

欲知賊數多少視風來之方為月期所發時辰為道里以發時支干為人數乘王氣十倍相氣五倍休氣如數囚或減半假令風從坎來起夜半止日中坎居子位違子為十一月子時數九在九里或九十里內賊九人或九百人多則以千萬言之支干數即甲巳子午九乙庚丑未八丙辛寅申七丁壬卯

酉六戊癸辰戌五己亥无于四是也

附兩軍相守風占

兩軍相當未知勝負常以日納音占客以時及風起之方占主若有大風起以生尅刑害決之相刑則戰比和不戰若時方俱為納音所尅宜先舉急擊以應為客時方共尅納音宜堅陣待彼先動以應為主

軍行敵境未逢敵人忽有風來射我軍有雲乍南乍北迅速走者急防兵來軍入敵境而下營擬為攻却未定若兩軍相當有八難風必須迴避此時敵若來攻軍必敗八難風者徧歷八風迴旋不定拔木發屋吹塵蔽天若在敵軍上急宜攻之在我軍嚴備若軍在路上逢之宜令弱兵先退奇兵漸進強弩勁騎向敵翼而回之

兩軍相當暴風忽起從三刑五墓上來勢大而遲緩者宜備賊來有大戰若風勢急速乍起乍止者有狂賊至小戰以日納音風起時方占勝負

兩軍相當有風從彼軍來初起蓬勃及至我軍而低小蕭索其兵止十里外不戰

旋風從三刑五墓來有伏兵急戰必不勝行者值之急走坐者急起避之諸出軍行師有大風從三刑上來不可戰若起五墓上來避之依五音日數

風角

占

四季受角之日大風從四季上來時加子午客兵進境自相殺不出三十日
四季受商日同

陰賊之日風從陰賊上來大寒慘者賊自殺

商日怒風從陰賊上來賊自殺主將

允寬大之日時加丑戌風從寬大上來止寬大上者大兵解散

四季之月風從巳酉上來賊兵解散

寬大之日時加巳酉風從巳酉上來止于巳酉或方者群賊皆散

寬大之日風從巳酉或丑未上來夜起晝止大眾欲解而主將不欲解若晝

起夜止氣色溫和者上下同心解散若天色陰寒時日雖善猶未解也 允

遇解軍之風其風發時天色清明風色和暢即不戰而解若風氣寒慘日光

昏濁此兵未解必戰若日夜受尅則以退論

允四季受宮之日丙戌丙辰辛丑辛未是也風從寬大若四季上來皆敵軍

來降

附城營風占

允城營相守有急風從敵上來正射我軍上而復下或止而復起必有大兵

敵來攻襲宜早備之若攻城未下而有此風則敵兵自外來若入敵界已得

數來攻襲宜早備之若攻城未下而有此風則救兵自外來若入敵界已得城池猶未下邑壘而有此風必有兵來戰寒慘帶刑殺必須嚴備之與敵相當營寨上有旋風歷過者隨所歷有寇至宜急備之旋風入營寨捲土發屋側戈撤幕急備不虞若旋風自外入彼城營急從入處攻拔之旋風吹物騰空在城營中兵不利宜固守

諸羽日風從商上起揚沙晝晦有兵來攻城邑若至日中夜半風益怒其時攻城不下客兵必敗商金羽水母子為強水畏于土勢不能行日中夜半土也城中強可以固守外兵自散

諸角日大風蓬勃怒號從申子亥卯上來大寒昏慘至夜半或日中時其風益怒連三日以上者有大兵起攻城必陷主人宜出避之夜半日中子午時也純宮屬土日辰角木剋之利為客故攻城必陷近期九日中二十七日遠九十日

諸商日怒風從子午上來時加子午日光冥晦不利主人宜防內兵自亂凡奸邪受宮之日怒風從宮上來止四季風氣寒慘城中兵亂夜殺長吏四出不禁近期七日遠九十日

凡有兵圍城諸商之日有風從丑上來比連三日以上至七日客兵退丑商

風角

墓也又為陽徵高金遇之兵敗將歿期七日中二十一日遠七十日

凡日中夜半風從申子亥卯上來夜發晝止日中大寒不解敵必夜來攻城
劫營不避風雨主人忌之期五日若十日

附水火災風占

館

凡受羽之日但納音屬水者皆是風從卯酉上來天雲陰潤人心悲慘連三日者必有暴風大水驟至若風帶刑殺及貪狼奸邪陰賊之日時則有水中賊起害人風從卯酉來時加卯酉風勢蕭蕭調習又止卯酉潤氣濡物者大雨即至

圖

諸角日有怒風從寅申丑未徵上來時加夜半火起宮院寺廟中辰午酉戌為自刑日其日受角而風從徵來辰日加辰燒左部二千石傳舍大臣將相之宅午日加午燒都市廷尉舍大夫官吏之宅酉日加酉燒寺府傳舍庫厨貴人店肆亥日加亥燒喪家并店肆牢獄若囚徒之家大寒迅急則燒殺人溫和則燒屋不燒殺人風止即有雷電乃已不然雖期內有雨火亦必起四季受角之日怒風從辰上來時加申子戌賊以火攻人寒急者殺人財出若時加廉貞公正坎仇怨相殺不出三日若六日以日占其地諸徵日時加徵暴風猝起而天氣清明者有書檄至為失火事期三日遠三

諸微日時加微暴風猝起而天氣清明者有書微至為失火事期三日遠三

十日以日占國

元陽微日風從陽微來時加夜半為都郡中府寺火起風從陰微來為下亭鄉市及人家火起

暴風忽起東南巽方繞木悲鳴聲如搖火有火殃不出三日假令丙寅丁卯之日怒風從寅卯上來為都市中火起所以然者丙丁火寅卯木火得木而燃此是兩火共燒一木郊為都市期三日或丙丁六日應以日占國期內有大雨則止

書

辰戌之日及諸受角之日風從辰戌上來已亥日及諸受角之日風從巳亥上來及微上來受微之日風從辰戌上來辰戌及諸受角之日風從丑寅未申上來辰午酉亥之日風從辰午酉亥上來以上諸風鳴條擺樹乍起乍住勃亂暴怒天色昏冥皆為火發之候

五

風起二三刻止火非遠半日止十里內一日止五十里二日止百里三日止千里外又初急後慢尤遠初慢後急火即至一作王相時方燒都市宮室官舍宅第因死燒牢獄廟宇休廢亭店舍鄉郭閉屋

凡占火得已酉之時此誤相燒也得公正之時為怨仇相燒得廉貞之時因文書口舌相燒得貪狼為賊攻燒主人得陰賊之時為惡人遮相燒或從賊

風角

燒屋得奸邪之時為小盜陰私相燒日辰王相有氣者人事相燒因以死氣時高角鬼神所燒也若微日起風之日以上天氣黃赤微風不解至七日矣天火災起千里相望進期三日遠三十日若風止即有大雨則解占火與使者檄書同占

附候風知詔書占

諸陽宮之日風從陽微上來為詔書至欲知何詔書以風止之時占時加之寅午遷除詔 巳酉寬大詔 丑戌徵召諸臺詔 申子賦歛詔 亥卯盜賊事詔 辰未為嫁女傳詔 皆期九日遠則四十日

諸陽宮之日風從歲月日刑上來轉止德方風火迅急此上官收下官証對無罪

春甲夏丙秋庚冬壬天子所在風從丑上來有天子詔若時加公正與天合也時加奸邪以詐詔不可信

附占風知赦

浙

春甲寅帝乙卯王庚申為詔獄辛酉為司空
夏丙午帝丁巳王癸亥為詔獄壬子為司空
四季月戊午帝己未王甲寅為詔獄乙卯為司空

四季月戊午帝己未王甲寅為詔獄乙卯為司空

秋庚申帝辛酉王丁巳為詔獄丙午為司空

冬壬子帝癸亥王戊戌為詔獄戊辰為司空

凡風從詔獄上來大赦司空上來小赦

春甲寅日時加申風從甲上來止申其風溫和法為有大赦期六十日又曰

從庚來有大赦乙卯日時加酉風從甲來止申為小赦期四十五日

夏丙午時加亥風從丙來止亥其風清和有大有大赦期六十日又曰從壬來有

大赦丁巳日時加子風從丙上來止亥有小赦期四十五日

四季月戊巳日時加寅風從寅來止于寅有大赦時加卯有小赦期六十日

內四季日王時風從寅來有大赦卯來小赦

秋庚辛日時加巳風從庚上來三日止于巳其風温和有大赦期六十日時

加丙午為小赦

冬壬子日時加戌風從壬上來其風溫調有大赦時加辰有小赦期六十日

常以帝王之日巳酉日候風從王上來加獄時若止獄時皆有大赦鳴條以

上占之

諸戊巳土日風從天門上來有赦春甲日：出之時風從卯上來須臾止又

復從卯上來有赦期二十日

風角

春甲為天子庚為獄有風從甲上來時加庚為有赦若連三日止庚其風清和必有大赦風止而雨有賞賜期九日遠三十日以三時依此占之
甲日旋風從甲來入人家止庚亦為有赦令春風常從甲來止庚必有赦令四時寬大已酉之日時加已酉從王鄉來止已酉必有大赦

附候風知遷官无罪法

春三月寅皇后甲天子郊太子乙太子妃辰太子吏已司空丙司徒午太尉
丁太傅未九卿申司祿庚詔獄酉庶民辛卒徒戌夷狄亥宗廟壬內相子官
府癸內藏丑大將軍



夏三月巳皇后丙天子午太子丁太子妃未太子吏申司空庚司徒酉太尉
辛太傅戌九卿亥司祿壬詔獄子庶民癸卒徒丑夷狄寅宗廟甲內相郊宮
府乙內藏辰大將軍

秋三月申皇后唐天子酉太子辛太子妃戌太子吏亥司空壬司徒子太尉
癸太傅丑九卿寅司祿申詔獄郊庶民乙卒徒辰夷狄巳宗廟丙內相午宮
府丁內藏未大將軍

冬三月亥皇后壬天子子太子癸太子妃丑太子吏寅司空甲司徒郊太尉
乙太傅辰九卿巳司祿丙詔獄午庶民丁卒徒未夷狄申宗廟庚內相酉宮

府辛內藏成大將軍

春寅為皇后此日中有暴怒之風從午上來五日以上皇后有大憂其氣溫
后有乖近期九日遠九十日若風止有大雨則不占餘仿矣

春丑為大將軍此日有大風發屋折木從丑上來四日以上丑有氣將軍賞
賜无氣有罪迅急寒尅大將軍有憂近期八日遠八十日

春丁巳為三公風從丑來止三公座上天色晴明三公遷封受賀風氣寒日
色不明三公退免受誅丑者巳日墓也

書

戊子戊午甲辰申戌四日以四時候使者州牧刺史從事檄書風從其時上
來有氣為遷无氣免退假令春甲辰日風從辰上來三日止甲使者徵拜尚
書假令甲上來三日止辰使者遷二千石近期三日遠二十七日書到

諸使者用事之日風從徵上來止辰使者遷二千石止丑使者喜止公卿座
其風清和有遷賀喜若大寒迅急而使者奏三公二千石令長當退受罪近
期三日遠三十日

丙辰日為府君其日有風從辰上來二日止君位上二千石徵納補丙辰日
有風從辰上來止午清和在二千石表使者寒急二千石表刺史更相奏上
有氣者勝无氣凶辰為奏事不者還受罪近期九日遠九十日

風角

五丑日為令長相奏日有風從丑上來大寒急止辰丑有氣以令長奏府君
止午奏使者止公座則奏三公此下官与上官相奏以寒尅決負

五寅日主諸丞風從寅上來寅有氣丞遷賀无氣丞免官凡風半日止者郡
丞三日止為州治中四日止為公侯長吏五日止為尚書丞丁寅為二十石
五戌日為都尉丙戌之日有風從戌上來戌有氣都尉遷无氣免半日須臾
為小尉若温和遷寒尅為免官他仿此

書

諸陽宮寬大之日有風從天子上來止三公座為三公入賀期九日或百日
諸寬大廉貞公正之日有風從丑上來視所止為君德所加有遷官受賜以
四時位言其官若大寒速急君有暴令視所止之位當之

凡大風折木從臣座上止君位皆為上書奏事温和清爽不寒慘為喜從刑
殺上來日光昏濁者為奸假令宮日時加宮此近臣也四十里內風半日止
者五十里貴客也一日止者百里內也二日止千里客也三日止者外臺使
也四日止者外州使也五日止者邊將使也七日止者數萬里夷狄使也以
上言止皆位止于君位若風冥寒急也遠方使至懷叛逆其風來時加已
酉丑寅午戌皆為正臣欲有獻于君清温吉寒迅有憂
假令風從宮來寒急者君怒也温和君欲加位賜

假令春三月天子在甲有風從甲上來時加甲風止寅天子入皇后宮中甲
甲來止丑入大將軍府中止酉天子候白衣士止戌天子入都市止辛天子
入人家止四季天子出遊千里止四仲出百里止四孟出城郭以諸侯二千
名令長同法

風從臣位起止君位皆為臣上事假令春天子位有風從不上來止甲為九
鄉上事入省從丑未止田為大將軍上事入省他倣也

春三月天子在甲夏三月天子在丙秋三月在庚冬三月在壬以占天子出
入在外臨民則令長二千石使者諸侯亦占甲所謂君者乃上下同占

附候喪疾風占

壬子壬辰之日風起夜半止夜半占皇后國夫人起日中止日中皆占人君
大夫他倣也

庚子陽宮之日日中夜半風從子上來止辰為宮動宮止辰為入墓中宮
為君期九日遠九十日

庚午陰宮之日日中夜半風從子上來止午若辰后有暴卒子來為喪午來
為黜止辰為入墓中期九日遠九日起三日以上止乃以坎占不三日為

病

風角

諸角日大風從庚來二日止未二千石有歿喪期九日或二十七日

壬午角日風從未來三日止丑使者外州刺史有喪

癸丑角日風從未來一日止丑令長有喪

己亥之日有風從亥上來半日止未丞有喪

丙戌日風從未來止戌乃小尉有喪

四季亂出之日風從未來比連三日民大疫若從己亥上來止未民大歿喪

期二十七日

五墓之日風從五墓上來皆為歿喪憂事假如宮墓在辰宮日風從辰來或

止辰是也宮主長吏商墓在丑風從丑來或止丑皆為疾病歿喪餘仿其

災應在衝月

浙江

象學卷之九

風雨占

高明上覆日月星辰沉潛下載風雨龍神占斗光之昭明

黃昏時則望觀北斗有無雲氣 斗下有白氣如破車輪者大饒兵起 黑

氣出北斗旁天下大災水旱兵疫俱起 白氣如雲連夜遮掩北斗七日兵

起 白氣如車輪出下漸入斗口年凶盜起 黑氣守斗旁久而不去年凶

大水兵起 白霞氣入北斗連三五夜不過七十日兵大起 紫氣入北斗

有喜以日命國 青氣入北斗盜侵都邑在冬三月尤凶 兩軍相當視北

斗有霞氣掩之敵人索戰宜謹守不可出關 赤氣入北斗盜賊起軍憂

蒼氣入斗賊兵欲來侵軼三冬之月尤凶

辨月色之初新

平旦間看新月上下左右之間雲氣 月初生色黃者多晴青赤多雨色潤

白大雨 初三月下有橫雲初四日裡雨傾盆

魁畔黑雲見沾滋于當夜

黑雲氣掩北斗口當夜有雨

星前黃氣知潤澤在來晨

風雨

北斗後三星名杓第七星曰天罡星前有黃氣明潤來日雨 黃雲氣蔽北

斗明日雨

徧掩映而三日

北斗徧被烏雲遮主三日內有雨 白氣蔽之不過三日雨 青氣蔽之五

日內有雨

獨溟濛而半旬

天无雲而北斗獨有雲五日內有雨 一曰北斗或一二星有雲遮蔽主五

日內有雨

戊巳六龍若魚行而大洒

戊辰巳巳名曰六龍夜雲烏潤如魚鱗狀行掩北斗主大雨

斗間五色如龜動以長津額南天而炎火

斗間有赤雲氣主旱

同中嶽以飄塵

斗間有黃色雲氣主來日大風 蒼白氣入北斗主大風 日入後有白光

如氣自地至天直入北斗所歷星皆失色其夜必有大風

初白氣而大遭風雨

官 書 圖 浙

每月初一視斗間有白氣潤澤主月內大多風雨 四始之日有黑雲氣如

每月初一視斗間有白氣潤澤主月內大多風雨 四始之日有黑雲氣如
陣厚重而潤者多雨 凡候雨以晦朔弦望雲氣四塞者皆雨東風則當日
雨 正月一日有風雨米貴蠶傷風雨從西方來兵起有雪夏秋大旱日出
時有紅霞絲貴喜晴天微陰 二月一日有風雨米貴禾惡 三月一日有
雨井空 四月一日有風雨米貴麥惡赤地千里 一日大風雨主大水小則小
水晴主旱 五月一日有雨人吃百草 六月一日有風雨米貴 七月一
日有大風雨米貴人多病疽者 八月一日有風雨穀貴其日陰宜麥 九
月一日有風雨麻子貴十倍 十月一日有風雨年內旱去年夏多水雨則
一冬多雨 十一月一日有風雨人多疾 十二月一日有風雨來年春旱
夏多雨穀貴 朔日雨謂之交月雨主久陰雨若先此連綿有雨反輕
節丹霞而甚益農人

交節日時早晨見丹霞一節風雨順時 立春雨傷五禾立秋雨傷五穀
上元無雨多春旱清明无雨少黃梅夏至无雲三伏熱重陽无雨一冬晴
上元有風寒食有雨 二月二日見冰春旱八日東南風主水西北風主旱
春分前後一日內雷主歲稔 立春後五戌為社其日雖晴亦有微雨數點
附 二月內有十夜：雨則本年雨水均平若過十二夜則多雨水不及十夜

風雨

則旱若至十七八夜則主是年大水 一曰二月夜雨為醪頭雨黃梅中雨之多寡因之十夜為調勻過則水不及則旱 三月三日有雨水旱不時一曰三日就可四日殺我陰而不雨則蚕大善 清明午前晴早蚕熟午後晴晚蚕熟 三月十六日名黃姑浸種日西南風主大旱愈急愈旱懸百錢于簷下試動即占有雨桑柘賤 穀雨前一兩朝霜占大旱是日雨則魚生多雨麥腐不可食

立夏日暈主水 四月八日陰年熟晴則水四月夜雨皆主傷麥八日更甚二十日名小分龍晴主旱雨主水 五月二十日占同 五月二十日无雨而有雷

謂之鎖雷門主當地少雨 重五日宜薄陰大晴主雨絲綿貴 夏至西南

風六月水橫流急風急沒漫風漫沒 五月朝西暮東風主旱 五月晦日

有風雨米貴不則在其衝 梅裏西南時裏渾：梅裏一聲雷時中三日雨

夏至後半月為三時頭三中五尾七時裏西南主旱末時得雷謂之送時主

小旱 小暑日雨名黃梅顛倒轉主水東南風及成塊白雲起主半月船舩

風兼旱無南風則無船舩風 六月有水謂之賊水 夏末秋初一兩歲熟

立秋晴歲不晴小雨吉大雨主傷禾 中元日雨主檢水稻 九月霜不

不下來年三月陰寒 立冬前霜多主來年旱冬後多晚禾好 十月十六

日晴主冬暖 十月內有霧谷呼沫露主來年大水仍相去二百五日水至

不... 來年三月陰寒 立冬前霜多主來年旱冬後多晚禾好 十月十六

日晴主冬暖 十月內有霧俗呼沫露主來年大水仍相去二百五日水至

霧着水面則輕離水面則重 十一月沫露塘乾 冬至日觀雲頂于子時

至平旦青雲北起歲熟民安赤雲旱黑雲水白雲久災黃雲大熟無雲大凶

十一月風色多與來年夏至相對 冬至晴年雨冬至雨年晴 十二月有

霧主來年六七月內橫水 十二月晦有風雨春旱 旱時看朝夕有霞主

久旱雨後乍晴時朝霞雨暮霞晴暮霞若有火焰而乾紅者非但主暗必久

旱朝霞或值晴天今朝忽有則要看顏色斷之乾紅主晴間有褐色主雨滿

天主晴不滿天主雨若雨天有浮雲稍厚雨當立至

六甲晴空一旬竭澱

一甲管十日陰晴若甲日无雲掩日与北斗則十日晴六甲日有雲氣四合

皆當日雨少雲少雨多雲多雨 春雨甲子六十一日旱一日乘船入市夏雨

甲子四十日旱秋雨甲子四十日滯冬雨甲子二十七日寒雪 春雨甲申五

穀熟夏雨甲申五禾大美秋雨甲申六畜多死冬雨甲申人多疾疫 凡壬

戌癸亥日雨甲子旬乃止賤人伐貴者 春甲乙俱不雨夏甲乙丙丁無雨

皆人不耕 甲子遇雙日是雌甲子雖雨不妨

雲氣東出五行逐面

風雨

雲出時看在此方如東方應甲乙日雨

郊日同甲四方之氣色為因

五郊日与六甲日同占

旦有從蒼諸干之期程定變

平旦占黑雲在何方斷之同上

紫烏白兔降未升而雨霑素日丹霞升未降而炎旱霞一作蟾

天氣下降地氣未升晝則日色紫夜則月色白主陰雨若天氣未降地氣先

升晝則日色白夜則月色赤主炎旱

陽 陰綠未交而景色將寒

天氣下降地氣未升晝則日色青夜則月色綠是二氣不交將寒之兆

奇黑偶青未密而虹蜺歆見

天氣已降地氣已升相交而未密主虹蜺歆見 正月虹見七月穀貴 秋

鱉少穀 九月虹見人災

若乃重占郊日雲聚中央寒風冽土樹折四方

六甲五郊日有雲氣而又寒凜冽主有大風 春雨乙郊夏糴貴夏雨丁郊

秋糴貴秋雨辛郊冬糴貴冬雨癸郊則來春糴貴壬寅亦同一日其日雨則

館

圖

注

注

秋糴貴秋雨年郊冬糴貴冬雨癸郊則來春糴貴壬寅亦同一日其日雨則

疫起 正月上旬雨郊穀貴一倍中旬雨郊穀貴十倍
雨降至頻無之則災殄

當雨而無雨主別他情狀 正五九月殺在丑二六十月殺在戌三七十一

月殺在未四八十二月殺在辰以此四日雨所建賊犯之期六十日 辰日

雨百蟲生未日雨百虫死

兵攢必急有之則起凶殃

雨大軍中尤甚者將次軍敗 天雨三日以上陰謀興

斷五音之宮羽裁六義之柔剛

凡風發坤方其氣暄熱主旱發艮方其氣淒涼主雨微風炎：逼人亦主旱

風吹月建方位主米貴

壬子至丁各轄三朝高躁則雷 一作宜藏計數 一云雲藏諸藪

壬子癸丑甲寅乙卯丙辰丁巳一日管三日陰晴假令壬子日出時有黑雲

氣及北斗上下左右則所管戊午己未庚申三日內有雨若無雲氣則坎三

日晴明癸丑日管辛酉壬戌癸亥甲寅管甲子乙丑丙寅丁卯管丁卯戊辰

己巳丙辰管庚午辛未壬申丁巳管癸酉甲戌乙亥各三日總計二十四日

詳其所管逐日占之

風雨

丙子終辛每管五日低農則雨徧諸鄉

丙子至辛巳六日每一日管五日如前計三十六日逐日占斗光日色定之連窺天漢蛇經而霧集雲屯累顧銀河猪越而風調雨順願一作觀

天河中雲氣黑潤形如猪蛇來往主當時風雨 蒼白氣入天津人主以水為憂天津天漢中有黑雲氣獨居大如

黑氣狀如船布疋經自河津間不十日必有大雨

無雲掩映當旬之草木不滋有氣侵凌逐限之田園益潤

言天河中者五郊六甲日望之無雲氣往來則所管日內晴明但有雲在中

則所管日內風雨 赤氣入天津主旱黑氣入主水

黑牛夜半如龍在震以辰期

癸丑日夜半黑雲氣狀如龍形在震位上主辰日雨

青龍辰前似馬當離而午信

甲辰日早晨黑氣狀如馬在離方主午日雨

月初兩曜青黑潤明白當數雨黃赤乾晴

每月初一日管上旬十日月光日色同占之初二日管中旬十日初三日管末旬十日

旦候孤光雲帶中央而不動日高三丈雨施四面以頻行

候日出時有雲帶在日中或橫蔽日不見或隨日不散不移主日高三丈時
雨至若日高一二丈時見主日中時雨降 日將出時雲霧四塞赤紫布天
七日內有大雨水

朝視東方積土之形雲便瀉暮窺西上累孟之氣象尋傾

氣如魚龍形其色蒼潤或黃氣蔽日昏慘或如積土或如累孟黃色潤厚朝
東夕西壓日欲掩之者皆風雨之氣也 朝視日上有黑雲如霧壓日：光

旁射其氣慘淡黃白者其日有風雨晚日欲入有之則其夜有風雨 日始
出有暈氣如車蓋在日上者其日雨 日旁有赤雲如冠珥不有大風則有

大雨 日南珥晴北珥雨兩珥斷風絕雨若提長而下垂通地名曰日幢主
久晴 日脚朝天暮又地主晴反女則雨 日外自雲障中起主晴 日

沒後起青白光教道下狹上濶直起亘天女晴夏秋間有之主來日酷暑
日沒反照主晴 在日沒之前 日沒胭脂紅無雨也有風 在日沒之後 一

朵烏雲漸起而日正落其中主夜半雨 半天原有黑雲日落雲外其夜雲
散 半天上雖有雲及日沒下去脚無雲而見日狀如岩洞者主晴

晨候北方雲多黃黑曉望南行雨多玄則

風雨

早晨北方有黑雲氣向南行到壬癸日雨或癸時可以例推之

躍：猪氣山奔而七子之期

西北方雲起向東北方行主丙子日雨起本作氣

鬱：離風乾去以八震之索

高風轉西北風或北風主乙卯日雨

雲帶橫列寅郊為甲乙之名

有雲如帶在寅郊日見主甲乙日雨一說寅郊位上見雲則甲乙日雨

日輪所當辰巳作丙丁之色

日行辰巳上見雲主丙丁日雨

午未之間見陰戊巳以无差

午未方上雲見主戊巳日雨

坤申之上行雲庚辛而不感

坤申方見雲氣主庚辛日必雨

若當災旱熒惑少退于河津

火星守天河：中星又稀主旱 四方有赤烟隴黑雲如火烟在中主不雨
天作旱災則天高而雨露不下君不恤民之應亦為其地有災 不雨有大露

浙江圖書館

潤物者歲收 霜初下只一朝者主來年歉春多主旱 夏見星密主熱

潤物者歲收 霜初下只一朝者主來年歉春多主旱 夏見星密主熱
或遇霖霽辰象曜繁于漢泊

水星守天河：中星又多主雨

五色交錯赤黑相兼天威電凍神怒雲霧

五色雲氣都有赤黑更多往來擾亂主大雷電風雨 日上下有黑雲氣如

蛇龍者必大雨 雲氣如黑蛇衝其下有大雨水 雲上風雖開下風不散

主雨 雲如砲車行主大風 雲起不散四野滿目如烟如霧名曰風花主

風起 西南雲陣雨大東南無雨 凡雨陣自西北起必黑雲如潑墨又必

起眉梁陣主先大風而後雨終易晴 黑氣對起一路相接亘天謂之雨作

橋皆主雨天陰之際或作或止忽有雨作橋則必掛帆雨脚又是雨脚將斷

之兆也不可一倒而推取 陰天下晴朝要頂穿暮要四脚懸 雲細：如

魚鱗斑不雨也風 滿天雲一片如老鯉班主晴 冬天近晚忽有老鯉班

雲起漸合成濃陰者名護霜天必无雨 早看遠處四方雲生陣起或自東

引而西：引而東俗所謂排也久旱之兆 晚天西北赤主晴 雪中有雷

主陰雨百日 夜起雷三日雨 當頭雷无雨郊前雷有雨 九月雷穀

貴 春雷始起其聲温：者水氣也霹靂：者旱氣也 地面濕如流汗主

風雨

暴雨若得西北風解散无雨

漫洒輕吹遠迹之尊王惠愛

天高氣白無雨多風 月暈主風何方有缺則此方風來 星光閃爍不定

主風 凡風单日起单日止雙日起雙日止 春風易轉方西南早到晏而

動草 春南夏北有風必雨 冬天南風兩三日必有雪

迅飄頓瀉高低之逆主猜嫌

雲氣如亂穰大風將至視其所從來避之 黑雲氣如陣厚重而潤者大雨

暴至雲如巨魚疾行中天其色蒼黑有大風大水災 黑氣如群羊如奔

牛如飛鳥五日必雨 黑雲如浮船者雨 蒼白雲細如櫛綿蔽日五日內

有雨 雲如兩人提鼓持桴有暴雨 四望見青白雲名曰天塞雨徵也

雲片相逐聚散不常其色潔白圍繞日者大風 凡風入骨寒慘為大雨

夏秋之交大風及海沙雲起名曰風潮必有大雨霖霖同作甚則拔木其先

必有斷虹之狀見者名曰颶風 西南風轉西北其後更大 南風初大北

風後大 風急雲起愈急必雨 東北風多雨 天低氣昏七日內有雨

天氣鬱蒸雲氣形于日之左右上下春夏秋見則為雨冬則風雪 白雲氣

如舞徃來其處凄風送迎大雪將下

君正臣忠先風後雨以祥審上驕下諂如雨終風而禍占填逆入河法令急而淋潦

土守井主旱

熒惑犯水政理乖而炎旱審于歲月日時精靈攢聚掩迫闕擊神祇相遇

掩迫闕擊皆神明見太乙兵法并天乙兵法

四仲皆孟朝中夕半以興雲

此一節說月將加時臨四仲論孟仲季以言陰晴事見小六壬

六壬法傳龍水交干而致雨

此一節說大六壬七百二十占但有青龍亥子壬癸發動便雨

日辰兩曜非其所以無多

斗光日色主雨而無雨者是各自方位之雨下故也如甲齊乙東夷丙楚丁

南蠻戊韓魏己中州庚秦辛西戎壬燕癸北狄地支所主詳一卷未占訣參看

月宿十精是本方而遍溥

十精太乙十六神在天崑司風雨日月暈氣別具又曰春三月丙丁夏三月

戊巳秋三月壬癸冬三月甲乙土王用事時庚辛日各月宿十精日不問有

無雲氣但逢此主大風陰雲不定或陰雨若不應是土王用事庚辛方應春

風雨

三月丙丁方上應夏秋冬每三月如前故此處不應也

金水出入起風霧以連天

太白出氣長數丈多風雨所指處兵大起辰星出氣長一丈大雨水 一日

金水二星初出初入之日多有風雨

畢月相逢布雲雷于下土

月犯畢分野主雨離畢之陽無雨陰有雨 月離箕則風

銅雀屏氣池枯而微鳥翅張石燕翱翔川溢而商羊鼓舞

銅雀鳥名長安西域有之鳴則五穀熟屏氣是不鳴也微鳥一名蛛蚨蛇有

四翼見處主三歲大旱識者多種大豆以防飢以大豆耐旱也石燕藥名出零陵

及永州祁陽縣中岳少雲山如蜺蛤之狀雷雨則自石穴中出又云飛主雨

也商羊獨足鳥大如鵠色蒼閩廣有之叢如人嘯將雨轉鳴舒翅躍舞則主

水災孔子所謂商羊者也

尊天貴地徵秘法以推誠敬鬼重神握玄机而定譜明陰陽開闔之節

閉塞成冬則不驗亦遲天氣下降地氣上升則大驗亦速當看何時也

達璿璣運行之數

又在知星象之文 雨後天陰見一兩星與陰必晴 東井天江天漢謫見

或黑雲氣干之或辰星守紀主水或為赤氣干之炎感守紀真星謫見或日

或黑雲氣干之或辰星守犯主水或為赤氣干之熒惑守犯填星謫見或日
蝕過分而未至主旱 月宿箕畢翼軫主風 箕星舌動參星閃爍皆主風

通六甲屈伸之微

如六甲五郊各管日之陰晴戊午至甲子七日管六十日之數 春雨壬子
秋爛蚕成 凡壬子日雨主水更須看甲寅日晴拘得過不妨 壬子雨丁
丑晴陰晴相半 甲申雨猶可乙酉雨更多 久雨久晴多看換甲 甲午
旬中無燥土 甲雨乙拘乙日雨要到庚 久晴逢戊雨久雨望庚晴 久
雨不晴但看丙丁 癸巳巳酉二日晴主久晴雨主久雨 庚申日晴甲子
必晴

綜三光盈縮之度

熒惑黑小行縮辰星黑大行盈皆主大水反此主旱六曜行中道之北主水
行中道之南主旱

戴君之德五徵不亂以迎新輔相之賢十義无虧而效古

凡雨作于四時旺相之日草木得之榮茂其秋休囚廢之日雖有雨不能生
物 泰和之世雷雨必作于巳午陰生之後至夜而止者吉若作于子丑寅
卯至午而晴為亂為兵亡民失國 大凡喜忌風雨在得中為准假如坎一

時占假喜何方風得喜方風微和極應若是顛狂大作則反為凶又云風雨各以本境所致為占




浙江圖書館



浙江圖書館

紫微垣



亥六



象學卷十

宮

中垣北極紫微宮北極五星在其中大帝之座第二珠第三之星庶子居第一號曰為太子四為后官五天樞左右四星是四輔天乙太乙當門路左樞右樞夾南門西面營衛一十五東蕃左樞連上宰少宰上弼次少弼上衛少衛入少丞後門東邊大贊府西蕃右樞次少衛上輔少輔視上衛少衛之次即上丞以次却向門前數陰德門裏兩黃聚尚書以次其位五女史柱史各一星御女四星五天柱大理兩黃陰德邊勾陳尾指北極巔勾陳六星六甲前天皇獨在勾陳裏五帝內座後門是華蓋并杠十六星杠作柄象華蓋形蓋上連九箇星名曰傳舍如連丁垣外左右各六珠右是內階左天厨階前八星名八穀厨下五箇天梧宿天床六星左樞在內厨一星右樞對文昌斗上半月形稀疎分明六箇星文昌之下曰三師太尊只向三師明天牢六星太尊邊太陽之守四勢前一箇宰相太陽側更有三公相西徧杓下方戈一星圓天理四星斗裏暗輔星近着開陽淡北斗之宿七星名第一主帝名樞精第二第三璇璣是第四名權第五衡開陽搖光六七名搖光左立天槍星

紫微垣

紫宮屬土天子九重之象也內而宮中外而府中亦于是占之其垣東西列

紫微垣

為藩屏以衛北極其門名閭闔門東左樞上宰少宰上弼少弼上衛少衛少丞列八星門西右樞少衛上輔少輔上衛少衛上丞列七星其占款均明大小有常則內輔盛不明則臣失職芒角則臣強主弱垣直則天子自將兵動搖非遷都則大兵入宮為天子不安之象

按紫宮在北極三十六度之內七耀所不至苟有入其中者非常之變也當有易姓改王亂兵遂作之應占書不具載者以女晉永嘉末熒惑入紫宮占曰當有野火之王又為火燒宮後辛驗此理推之餘可以類通也後凡列宿諸官遠黃道者倣此

客星入紫宮天下亂兵起入天子之都其旁多亂臣

黃星入垣天子有得地之喜

犯垣有喪以所中命之

守垣有不臣國易政

流星入紫宮赤而有光為大喪大兵有犯則以所中命之

流星從紫宮開門出者天帝之使也當有中使御命從星所之以占分野視其色以占所將之事星大事大星小事小流慢事遲流速事急一日不從門出者內則后妃諸王外則藩國使也出則使出入則使入亦以起止視其分

野占之

奔星入紫宮：中有亂其出也。君去其國。

彗孛入紫宮皆為除舊布新天下革命有德者昌無德者亡。

赤氣出紫宮兵大起入紫宮或指之外兵入天子庭。

蒼白氣入有大憂出則禍除若入犯諸座以所中命之。

赤黑氣及蒼白黃赤襍氣狀如蛇如龍在紫微庭中者必有白衣之會若俳

佻環繞紫宮而入則為臣弑主或奸臣亂賊之氣也。

白氣入有喪如粉絮者有大喪。

黑氣入有疾病或喪入兩蕃兵起。

黃氣潤澤多為祥瑞然象不同而應亦異如雞雛出紫宮為子孫之喜又狀

如刀劍為男喜伏如帚為女喜如旗有光天子益壽如獸出天子以畜賜諸

侯如獸入則為外貢奇獸餘以象類通之可也。

虹入紫宮所起之野有叛逆兵起。

晉懷帝永嘉三年正月庚子熒惑犯紫微垣占曰當有野火之王亦為火燒宮

是時太史令高唐冲奏乘輿宜遷幸不聽五年六月劉曜王彌入京都焚宮

廟執帝歸平陽

紫微垣



漢宣帝黃龍元年二月客星居王良東北可九尺長丈餘西指出閣道間至紫宮其年十二月帝崩

漢和帝永元十六年客星出紫宮西行至昴五月滅十月辛亥流星起句陳北行三丈有光色黃白前四月丁未紫宮中生白氣如粉絮氣生紫宮中為喪客星從紫宮西行至昴為趙勾陳為皇后流星出之為中使後一年和帝崩殤帝又崩鄧太后遣使迎清和王子即位是為孝安清河趙地也

漢章帝元和元年四月丁巳客星晨出東方在胃八度長三尺歷閣道紫宮留四十日滅閣道紫宮天子之宮也客星犯入留久為大喪後四年帝崩

晉武帝太熙元年四月客星在紫宮占為兵喪是月帝崩永平元年賈后誅楊駿及其黨夷三族楊太后亦見殺

晉海西公太和四年二月客星見紫宮西垣至七月滅占臣弑主六年桓溫廢帝

宋太宗淳化二年八月甲辰客星出紫微天梧側亭如粉絮稍入垣內歷御女華蓋凡十日沒占后妃災次年崩

周武帝建德六年十二月戊辰平旦有流星大如三斗器色赤出紫宮凝著天乃北下占天子去其宮是月荊州刺史高寶反明年帝北伐後年帝崩

周宣帝大成二年四月乙丑有星大如斗出天厨流入紫宫抵勾陳乃滅占大喪大兵將軍戮又曰臣犯主五年帝崩隋公執政

漢獻帝建安十一年正月有星孛于北斗首在斗中貫紫宮及北辰占彗掃紫宮人主易位後魏文受禪

周武帝建德三年四月乙卯星孛于紫宮垣外大如拳赤白指帝座漸東南行稍長一丈五尺五月甲子至上台北滅占天下易政無德者亡後二年帝滅

齊

宋欽宗靖康元年六月壬戌彗出紫宮占主天下兵變亡國閏十一月彗竟天時金人入寇京師失守

金宣宗貞祐初白氣貫紫微司天李棟奏曰京師兵亂幸不貫徹得不成禍既而高拱殺胡沙虎

北極

北極五星天之最尊者也星赤明帝象也主占天子前星太子象也主占儲君後星庶子象也主占諸王次後星后宮象也主占皇后最後為北極天樞象也主占運祚有變各以所主占之中星不明主不用事也青微者凶動搖主好出遊前星不明太子憂後二星不明庶子及后宮憂北極不明運祚不

紫微垣

長五星俱亡則中國無主俱動搖則變起非常皆不明而大星獨居則天下易姓

按北極一曰帝星一曰即耀魄寶一曰后星皆非也其皆以孔子所謂北辰誤認北極而為言也孔子所謂北辰者不動處也今極星去不動處猶四度之外未嘗不動則非所謂居其所之象也况帝后耀魄各有其星而帝星尤為赤明豈得概混之北極乎北極為天之樞主運祚為是

客星出入北極旁帝王暴驚宗室亂若星色赤天下兵車滿野一曰星所之國必大敗入樞星入主有非常之災犯守各以所中命之

流星出北極天子使出入則使入抵北極而過之天下有大喪兵起非一國將相戮不出一年抵北極而止前赤後白有來言兵者事成前白後黃人主非立太子則有裂王者色赤而前黃銳有來吾國使者色白而前後皆銳有來言通好者一曰常以戊日視北極有流星出之天子有德令

彗孛出北極臣謀君天下亂易姓革命

浙

蒼白氣入北極天子憂疾出之禍除

黃白氣入外方入貢出則天子有賜于諸侯

黃氣出太子座不出六十日太子即位

赤氣入天下兵起出則宮中有兵

漢景帝二年秋熒惑逆守北辰月出北辰間遂有七國之變

四輔

四輔佐理此極象也因占輔臣小而明吉星角則臣逼君暗則輔臣失職星
亡輔臣有誅

流星抵四輔宰相黜出之宰相出使

赤氣出四輔：臣憂兵

黃白氣入輔臣有喜

白氣入相失位

天乙

天乙主人吉凶天道之象也因占兵飢災福明則陰陽和萬物盛人君吉動
搖有兵暗亡天下亂

客星歷天乙宮門閉近臣亂不出三年

流星抵天乙兵滿野人流亡冬滂夏旱

黃氣入天乙君臣和天下平

太乙

紫微垣

浙 江 圖 書 館

太乙主使十六神天時象也因占水旱兵飢疾疫小而明吉暗則陰陽不和
動則水旱不時離其位而乘斗後九十日兵起

客星守太乙兵起天下旱且大水貴人死民流亡

流星抵太乙宰相下獄

赤氣出入太乙大旱大兵

黑氣出入大水蒼白氣大疫 黃白氣百官受賜

勾陳

勾陳屬水六宮象也主占后宮其端大星曰元妃餘星乘之曰庶妾明靜為
吉動揺后宮有變

按勾陳曰六軍將軍以為守衛天子也不知將相守衛俱列兩垣外垣中為

深宮之象六將安得居之畢竟勾陳屬后宮為是

客星守勾陳宮中有憂

流星出勾陳后宮有憂

赤氣入勾陳內亂出勾陳中兵起

天皇大帝

天皇神曰耀魄寶主出命以授天子天帝象也因占國家神圖其星常隱：

浙

館

不明若光動有芒人君行不中度星亡天理絕滅
客星犯大帝天下易政

客星守 宮中有客謀天子者

流星犯大帝臣犯主易政 流星出大帝座天子使出

流星抵大帝君失其國

大流星如月出大帝投出濁霧中天子棄國出走

黃白氣入勾陳覆大帝光明潤澤天子有喜或臣獻美女

黃白氣出天皇上改立王

白氣如粉絮或如蝶入勾陳大帝座天子憂之

五帝內座 今圖不載

五帝內座宸居象也主占君位安危色正吉變色為災

客星犯座大臣謀主

流星犯座臣叛出為有誅戮

黃氣入座太子即位期六十日

陰德

陰不敬人知故曰陰德占周急振撫其星敬細而明太明五太子若有女主

紫微垣

浙

天皇神曰耀魄寶主出命以授天子天帝象也因占國家神圖其星常

始天下者動則君臣相攻無則聖人絕始一作治

客星犯陰德大旱民流守之天下倉廩發

流星抵陰德天子賞罰不行

彗孛出犯陰德后宮女与太子連謀為安

黃白氣出陰德諸侯受賜

尚書

尚書納言象也因占人座大臣其星明大芒角則臣強逼君暗則失職亡則

輔臣誅

流星抵尚書人君不納忠言諫官黜退

流星出尚書尚書有出使事

赤黃氣出尚書八座官有受土地出鎮者

黃氣入尚書八座官受賜黑則尚書有坐罪者

柱史

柱史左右史象也主記言動明則史官得人其辭直

流星入柱史天子自示其咎一曰柱史受刑

黃白氣入柱史左右史遷

浙江圖書館

蒼白氣入柱史左右史歿

女史

女史婦宮此管象也主記宮禁動靜微暗則婦官失職

客星犯女史婦官憂

女御今圖不載

女御之妻之象也主侍晏寢明則天子多內寵

客星犯女御後宮有謀

流星出女御后宮有出者黃潤入外國進美女

黃氣入女御後宮有子喜

蒼白氣入女御後宮多病

天柱今圖不載

天柱象魏之象也因占政教曆法不明寒暑失節災動司曆有憂

客星犯天柱國中有賊

大理今圖不載

大理卒獄之象也明則法平不明則獄有冤酷

客星犯大理貴臣下獄色黃赦色白受戮赤黃无罪守則刑獄冤滯或刑官黜

紫微垣

浙王圖書館

流星入大理法官點

黃氣入大理有赦

黑氣入法官點

六甲今圖不載

六甲授時象也因占陰陽寒暑明則陰陽和暗則寒暑易節水旱不時

客星犯六甲色赤為旱黑為水白則人多疫

流星犯六甲水旱不時術士誅

黃氣入六甲術士興

華蓋

華蓋覆蔽帝座之象也因占帝居傾動則凶離徙則人君失御

流星犯華蓋兵起宮內若貫之三公以罪歿

黃白氣入華蓋天子有喜

赤氣入華蓋防奸

傳舍

傳舍屬水夷館象也因占胡使其星明靜為吉動搖為胡兵星移入紫宮垣

間則胡人來入宮胡兵大起天子憂

浙 圖 館

客星守傳舍有奸使亦曰胡兵入

客星守傳舍有好使亦曰胡兵入

流星抵傳舍胡使來

彗孛犯傳舍皆為胡入中國黑炁同

宋高宗紹興八年六月己巳客星出奎宿犯傳舍占主備奸使奎主兵于是金使至爭執進書儀甲戌客星守傳舍第五星九年正月癸酉客星始不見凡一百八十五日乃消時金使久在館至是乃去

內階

內階由紫宮以幸文昌之階因占遊幸傾動則國不安

圖

客星犯內階有奸臣在君側

天厨

天厨大庖之象也因占奢儉豐凶飢饉也星亡為人主飲食不御天下大凶

流星犯天厨大飢人流

天床今圖不載

浙

天床備幸之象也因占人主安危傾則天子失位

客星入天床宮中有刺客

紫微垣

黃氣入天床天子得美女

內厨今不見

內厨宮庖之象也因占六宮飲食

流星犯內厨飲食有毒

彗孛犯占同流星

北斗

書 館

北斗主號令天之樞機運乎中央以制四方建四時齊七政為帝車之象也
因占水旱兵刑魁第一星天樞主月一日主天其分秦二曰天璇主月一日
主地其分楚三曰天機主火其分梁四曰天權主水其分吳五日玉衡主土
其分趙六曰開陽主木其分燕七曰搖光主金其分齊又一日正星主陽德
天子之象也二曰法星主陰刑女王之象也三曰令星主禍害四曰伐星伐
無道五曰煞星煞無道六曰危星主五穀七曰部星亦曰應星主兵一星有
變各以所主占之七星皆變國止北斗自暈及動搖皆為兵起白暈貫三星
王者惡之斗旁小星多則天下安星少國人離散正星色赤有兵白為水青為
四時物貴法星色赤有兵色青君有暴疾黑有大水黑而白角環之有暴風水
令星色青黑更法天下不寧伐星色青若赤大臣有憂色黃人主有喜煞星

色青朱黃赤亦黃赤黑黑麥黃赤白赤赤貴色黑耀貴色星色青有世國赤有

色青米貴色赤菽貴色黑麥貴色白黍貴色黑糴貴危星色青有徙國亦有
兵應星色赤有兵青有徙民色黃君益地白有憂黑有水春色赤則有喜

月暈連環及北斗天下亂大國有喪民流千里

客星入北斗魁上下色青黑人主大憂色赤外國與中國爭兵黃白人主有賀
事入魁中貴人有 獄者色黃白潤澤釋免黑赤誅 出魁中天子自將
兵國傾危有死君一曰色赤楚當之青齊當之黃衛當之白秦當之黑燕當
之 入正星大人遇賊入法星女主凶入令星執法者死入伐星蠻夷國以
水兵至入煞星大臣主馬者死入危星國易政入部星諸侯兵起 客星出
北斗如赤烏黑頭天下兵起 客星出北斗旗間兵大起貴人誅人主憂旗
者紫宮北斗間也

流星入北斗魁中天下亂將軍行期一年一曰大臣有入獄者以五色占吉凶
大流星入魁中天臣有叛者兵起將出 出北斗東行齊魯負兵南行吳楚
負兵西行秦晉負兵北行燕趙負兵不出三年 出北斗旁明如炬火狀若
繒布長六七丈賊臣專制天下期三年 不入北斗魁而入北斗旁貴人有
避罪者 從南斗入北斗有赦令 抵正星大人遇賊入正星執法者易期
一年 抵法星有先人主疾病無光女主疾病出法星有變事兵起不出三

年 抵令星兵起天下搖動出令星天子使人行令于四方 抵代星蠻夷
以水兵來入國若抵破伐星大戰多死人入伐星天子遣使与夷為和 抵
然星流星無光五日君疾有光十日女主歿 抵危星五穀不成人主有憂
出危星天子有令出 出部星天子伐諸侯天下服期三年 流星以冬至
前後十日之內擊北斗柄天子當之期六十日
枉矢入斗杓魁天子防奸刺
彗孛出北斗長八九丈名曰兔攻出則天子更政

彗孛貫北斗群雄爭天下

雲氣五彩入北斗天子立太子

圖書

青氣掩斗明日雨 青氣加法星有大水 青雲氣長竟天其末有星加伐
星天下有大水大獄 青氣加伐星伐星色赤有兵 青雲掩斗大雨即至
赤氣覆斗上兵起氣大兵大氣小兵小亦為旱火災 赤氣入斗魁中將相
有戮者亦為兵起 赤氣入斗環繞之皆為大兵大戰流血主人將歿客軍
勝 黃氣入魁中天子出德令 黃雲霧覆北斗明日雨 黃白氣入北斗
有使從外來出則天子遣使于諸侯 黃白氣在北斗上下或出入北斗皆
為國有喜 白氣濛濛然有光自地起接連北斗大風即至 日落時西方

起白氣如道貫北斗所歷星皆失色來朝有大風 白氣如車轉移入北斗
下有流血大將死 白氣入魁中從臣下獄出之禍除 白氣如足練衝入
斗兵起大戰 黑雲氣入北斗旁大如皮席狀如禽獸不出三日必雨不雨
則胡人入塞 黑氣出北斗不散大水入魁中貴人下獄歿 天晴無雲而
北斗上下獨有雲後五日必雨

虹蜺于斗主泣血強國起

魏文帝黃初四年十一月月暈北斗占有大喪赦天下七年帝崩明年大赦

漢成帝綏和元年正月辛未有流星從東南入北斗長數十丈二刻所息占曰

大臣有繫者其年十一月定陵侯淳于長坐執左道下獄歿

晉惠帝永興二年十月丁丑有星孛于北斗占曰璇璣更授天子出走是時諸

王交兵明年帝崩

漢靈帝熹平二年八月白氣如足練衝北斗第四星占白氣衝北斗為大戰明

年冬揚州刺史臧旻等攻盜賊斬首數千級

明正德初天璇地璣天權星不明是時劉瑾擅權兵刑不當

輔星

輔星佐斗之象也因占輔臣其色在春青黃在夏赤黃秋白黃冬黑黃變常

國有兵殃歆小而明近于斗遠斗五六寸則相歆近斗一二寸則臣迫主輔
明与斗齊則國兵暴起輔合于斗十日兵起輔止相歆若排賢用佞則輔坐
角歆謀社稷則輔生翼輔入斗中相下獄

館

流星犯輔相有憂

赤氣入輔相受斧鉞之誅

漢志曰北斗外有弼星在第七星右不見故与輔共九星

天理今圖不載候之寔在斗魁中

天理屬水貴人之宰執法之象也主占大獄動搖及其中有小星皆為貴人
下獄

孛孛犯天理國危

赤氣犯天理兵大起將相行兵

相星

相星主占大臣休咎以明為得人暗則輔臣失職亡則相誅

流星犯相將相有憂

黑氣入相持相憂歆

太陽守

太陽守大將之象也主守衛天子不明則主令不守多災則天子大憂

太陽守大將之象也主守衛天子不明則主令不行移徙則天子大憂

流星犯太陽守兵起期三年

客彗犯太陽守為易政將相憂兵亂

蒼白氣入太陽守將軍戰歿 赤則大臣誅

勢星今不見

勢星內侍象也占以不明為安明則闔官弄權

三公

三公太尉司徒司空之象也主變理陰陽弼成機務星黃潤則吉色赤有兵
蒼白黑皆有喪一星亡天下危二星亡天下亂三星亡天下大凶

客星流星犯三公皆為輔臣憂

三師占同三公

文昌

文昌將相之象也主集計禍福經緯天下近內階第一星為上將主建威武

二星曰次將主正左右三星曰貴相主理文緒四星曰司命主賞功進德五

星曰司中主司過詰咎六星曰司祿主佐理大寶不明則道術隱藏動搖移

徙三公受殃

紫微垣

江圖書館

客星色赤入將星提鼓之將憂

客星青黑入司中奸臣入出則奸臣出

奔星入文昌國內亂出文昌君去其國

流星出文昌三公出鎮視其所之知其地

流星衝文昌公卿有大憂

彗孛出將：反出相：反出司天下有權力者反

黃白氣入文昌三公受賜一曰文章之士進用

赤氣入文昌一曰術士有謀反及發兵者

梁末帝貞明四年十二月填星犯文昌上將後梁遂亡

漢靈帝熹平二年四月有星出文昌入紫宮蛇行有首尾無身赤色若火照墻

垣占文昌上將貴相後六年司徒劉群為曹節所譖死

天牢

天牢在斗魁下貴人牢象也主占大獄其中星多則貴人多下獄動搖侯王

有係者

流星入天牢貴人下獄不出其年恒以丑未日候流星入天牢有赦一曰天牢

一星出有小赦二星出赦在畿內三星出大赦

黃白氣入天牢大赦天下

太尊

太尊親臣象也主占貴戚細暗則貴戚有憂動搖則貴戚恣橫不見則貴戚誅歿

流星犯太尊貴戚將叛

黃白氣入太尊貴戚受賜

八穀

八穀屬土主候歲豐凶一主稻二主黍三主大麥四主小麥五主大豆六主小豆七主粟八主麻明則歲豐暗則歲歉不具一穀不登八星皆亡天下大飢

客星入八穀大貴兵以飢起王者失位

黑氣入八穀天下凶物不成大飢

天棊

天棊天子先驅象也主脩非常明靜為安動搖則兵火起不明亦為將弱兵起

客星犯天棊有大喪國兵大起

紫微垣

新江書館

流星衝天棊兵革興盜賊大起

赤氣出天棊兵大起將軍戮死

黃氣入天棊先驅有拜賜者出之有除出者

天槍

天槍屬金武備象也主守禦紫宮移徙則君失御芒角動搖則兵大起不明

亦為兵弱一曰攻城襲敵當視槍星、明而大不可出兵小而明兵可出

流星犯天槍外夷來侵邊防有憂

蒼白氣入天槍兵起

玄戈

玄戈胡兵象也主占北狄明動則胡入中國暗則胡兵退小動兵小起大動

兵大起胡入境玄戈色赤天下有兵

客星犯玄戈胡大敗一曰出玄戈胡入塞

流星抵玄戈胡人入中國

黑氣入玄戈內兵起

蒼白氣入玄戈胡人大疫死 赤氣出玄戈胡兵大起



浙江圖書館

浙江圖書館藏本

1952年11月



浙江圖書館



浙江圖書館



浙江圖書館善本

甲 登記號：011758

一九 年 月 日



浙江圖書館



浙江圖書館

浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black